

**BOSNA I HERCEGOVINA
FEDERACIJA BOSNE I HERCEGOVINE
Tuzlanski kanton
GRAD TUZLA
GRADSKO VIJEĆE**

S T E N O G R A M

**SA TRIDESETDEVETE SJEDNICE GRADSKOG VIJEĆA TUZLA ODRŽANE
30. MAJA 2024. GODINE U POSLOVNOM OBJEKTU „GRAFIČAR“ SA
POČETKOM U 10,00 SATI.**

- SJEDNICI PRISUSTVUJE 30 VIJEĆNIKA.

U Tuzli, maj 2024. godine

NATAŠA PERIĆ – predsjedavajući Gradskog vijeća Tuzla

Molim vijećnike da zauzmu svoja mjesta. Počinjemo sa radom.

(Intoniranje himne Bosne i Hercegovine).

Poštovani vijećnici Gradskog vijeća Tuzla, obrađivači materijala, predstavnici medija, otvaram 39. redovnu sjednicu Gradskog vijeća Tuzla.

Konstatujem da prema evidenciji Stručne službe Gradskog vijeća, sjednici prisustvuje 27 od ukupnog broja vijećnika, što je dovoljno za punovažan rad i odlučivanje. Za današnju sjednicu svoj izostanak je najavila vijećnica Lejla Osmančević, dok su svoje kašnjenje najavili vijećnica Esana Kavazbašić Huskanović i Medina Lolić, pa predlažem da im opravdamo kašnjenje.

19. maja 2024. godine, u našem gradu se dogodio stravičan zločin, kada je Mujaga Čičkušić lišio života svoju suprugu Amelu Čičkušić i njihovo dvoje malodobne djece. U ime Gradskog vijeća Tuzla i u svoje ime izražavam najdublje saučešće porodici i prijateljima naše tragično stradale sugrađanke Amele i njene djece, Amara i Ajne.

Podsjećam da je Gradsko vijeće Tuzla na 29. redovnoj sjednici, održanoj 31.08.2023., uputilo Zahtjev nadležnim organima za poduzimanje hitnih mjera na suzbijanju nasilja, torture i uznemiravanja svih osoba a naročito žena. Na istoj sjednici je razmatrana i Informacija o aktivnostima Grada Tuzle na prevenciji nasilja nad ženama i podršci ženama žrtvama nasilja. Tom prilikom usvojeni su i zaključci koji su, zajedno sa navedenim Zahtjevom upućeni zakonodavnim, izvršnim, pravosudnim organima, kao i drugim organima i institucijama.

Gradsko vijeće Tuzla je takođe na 36. redovnoj sjednici, održanoj 28. februara 2024. uputilo preporuku Vladi i Skupštini Tuzlanskog kantona i drugim nadležnim organima za sankcionisanje odgovornih i poduzimanje hitnih preventivnih mjera za kadrovsko i tehničko jačanje Ministarstva unutrašnjih poslova Tuzlanskog kantona, s ciljem zaštite građana. Tom prilikom je takođe uvojeno niz zaključaka i preporuka nadležnim organima u cilju prevencija nasilja, zaštite građana Tuzle, prvenstveno nemoćnih i žena, te bržeg i efikasnijeg procesuiranja i sankcionisanja počinilaca.

Sada vas pozivam da minutom šutnje odamo počast našim stradalim sugrađanima, Amaru, Ajni i Ameli Čičkušić.

(Minut šutnje).

Neka im je laka zemlja.

Obavještavam vijećnike da je Klub samostalnih vijećnika 29.05.2024. dostavio obavijest da će od 29.05.2024. funkciju predsjednika Kluba obavljati Nedim Bijedić, a da će zamjenik predsjednika Kluba biti Aleksandar Vujadinović.

Gradsko vijeće Tuzla je na sjednici održanoj 24.04. donijelo Rješenje o konačnom imenovanju zamjenika Gradskog pravobranioca u Gradskom pravobranilaštvu Tuzla, kojim se za zamjenika Gradskog pravobanioca u Gradskom pravobranilaštvu Tuzla imenuje Mirela Kuduzović Tunjić. Imenovana na dužnost stupa danom davanja svečane izjave pred Gradskim vijećem Tuzla.

Sada ćemo pristupiti činu davanja svečane izjave novoizabranog zamjenika Gradskog pravobranioca u Gradskom pravobranilaštvu Tuzla, u skladu sa članom 38. Zakona o pravobraniteljstvu („Službene novine Tuzlanskog kantona“, broj 4/04., 5/08., 2/14. i 4/18.) kojim je propisano da „prije stupanja na dužnost, gradski odnosno općinski pravobranitelj i

zamjenik gradskog odnosno opštinskog pravobranitelja daju svečanu izjavu pred gradskim odnosno opštinskim vijećem“.

Pozivam gospođu Mirelu Kuduzović Tunjić da priđe za sto i da da svečanu izjavu.

Molim prisutne da ustanu.

Gospođu Kuduzović Tunjić, molim Vas da za mnom ponavljate tekst svečane izjave:

“IZJAVLJUJEM DA ĆU SE U VRŠENJU SLUŽBE ZAMJENIKA GRADSKOG PRAVOBRANIOCA PRIDRŽAVATI USTAVA I ZAKONA I DA ĆU SLUŽBU OBAVLJATI SAVJESNO.”

Gospođu Kuduzović Tunjić, u ime Gradskog vijeća Tuzla i u moje lično ime, upućujem Vam srdačne čestitke i želim puno uspjeha u daljem radu.

(cvijeće) (aplauz.)

Nastavljamo sa radom.

Podsjećam vijećnike da su, uz materijale za današnju sjednicu, dobili i Zapisnik, a svaki klub vijećnika i stenogram sa 38. redovne sjednice Gradskog vijeća Tuzla, održane 24.04.2024. godine.

Da li ima primjedbi na Zapisnik sa prethodne sjednice?

Ako nema, stavljam na izjašnjavaње Zapisnik sa 38. redovne sjednice Gradskog vijeća.

Molim vijećnike da se izjasne. Selma? (SELMA ĆATIBUŠIĆ – Nisam bila). Pa budite suzdržani. U sali ste. Selma? Dobro.

Glasanje je okončano.

Konstatujem da je Zapisnik sa 38. redovne sjednice Gradskog vijeća Tuzla, održane 24.04.2024. usvojen sa,

26. glasova za, nije bilo protiv i 1 suzdržan.

Za današnju 39. redovnu sjednicu Gradskog vijeća, predlažem dnevni red koji ste dobili u materijalu za sjednicu.

Građanski pokret „Buđenje“ Tuzla je Gradskom vijeću Tuzla 26.04.2024. podnio Inicijativu za donošenje odluke o uređivanju izbornog procesa za savjete mjesnih zajednica iz člana 96. stav 3. Statuta Grada.

Poslovníkom Gradskog vijeća Tuzla – drugi prečišćeni tekst („Službeni glasnik Grada Tuzla“, broj 5/22.) (u daljem tekstu Poslovník) propisana je procedura predlaganja i donošenja akata Gradskog vijeća.

Članom 108. Poslovníka propisano je da se „*postupak za donošenje odluke pokreće inicijativom za donošenje odluke, koja mora biti obrazložena. Inicijativa se upućuje predsjedavajućem Gradskog vijeća koji je dostavlja Gradonačelniku i Komisiji za statutarna pitanja i propise na razmatranje. Gradonačelnik je dužan, u roku od 30 dana, razmotriti inicijativu i o svom stavu obavijestiti Gradsko vijeće.*“

Članom 111. Poslovníka propisano je da se inicijativa dostavlja predsjedavajućem Gradskog vijeća. Predsjedavajući Gradskog vijeća inicijativu za donošenje odluke dostavlja Komisiji za statutarna pitanja i propise i Gradonačelniku. Po pribavljenim mišljenjima, predsjedavajući inicijativu zajedno sa mišljenjima Komisije za statutarna pitanja i propise i Gradonačelnika uvrštava u prijedlog dnevnog reda.

Imajući u vidu navedene odredbe Poslovnika Gradskog vijeća Tuzla, Inicijativa Građanskog pokreta „Buđenje“ Tuzla za donošenje odluke o uređivanju izbornog procesa za savjete mjesnih zajednica iz člana 96. stav 3. Statuta Grada je dostavljena gradonačelniku Grada Tuzle i Komisiji za statutarna pitanja i propise na razmatranje i postupanje u skladu sa odredbama Poslovnika Gradskog vijeća Tuzla, kojima je propisana procedura predlaganja i donošenja akata Gradskog vijeća.

Gradonačelnik Grada Tuzle i Komisija za statutarna pitanja i propise su dostavili svoja izjašnjenja koja ste dobili u materijalu podijeljenom pred početak sjednice.

Nakon što smo dobili tražena izjašnjenja, sada, u skladu sa članom 111. Poslovnika, Inicijativu Građanskog pokreta „Buđenje“ Tuzla, zajedno sa mišljenjima Komisije za statutarna pitanja i propise i gradonačelnika, uvrštavam u prijedlog dnevnog reda.

Obavještavam vijećnike da današnjoj sjednici, u skladu sa članom 112. Poslovnika, prisustvuje i podnosilac inicijative.

Hoćete ispred pokreta, ko će se obratiti? Ukratko. Ne morate vi ako nećete, ja vas samo... (ADI SELMAN – Ja mislim da nema potrebe). Dobro. Dobro. U redu.

Ima li neko od vijeć...Ovo je načelna, znači, rasprava.

Ima li neko od klubova vijećnika da bi nešto rekao? Ništa.

Dobro. Zaključujem raspravu klubova vijećnika.

Otvaram raspravu vijećnika.

Vijećnik Omer Berbić. Izvolite.

OMER BERBIĆ – vijećnik Naše stranke

Evo drago mi je. Ova inicijativa ima veze odnosno koleratira sa dopunom dnevnog reda koji sam ja (NATAŠA PERIĆ – Molim vas, malo samo tišine) gradskim vijećnicima, a ona se odnosi na odluku koju ćemo mi definisat direktno izborom Mjesne zajednice kako bi prestali da kršimo Statut koji smo sami ovdje donijeli. Ovo je jedinstven primjer u bosanskohercegovačkoj demokratiji, vjerovatno i u regionu da smo donijeli u ovom sazivu Statut da ga sami sebi kršimo. Mislim, to je onako vrlo indikativno prema radom Gradskog vijeća, tako da u odnosu na ovo sve, mi smo ispred Naše stranke napisali odluku koja može poslužiti kao baza da za šest mjeseci dobijemo izbore. Samim tim bi olakšali i Gradsku izbornu komisiju da sprovede te izbore, jer idu lokalni izbori. Imaće gotove spiskove. Imaće bazu. Imaće i ljude koji mogu to na terenu odraditi, tako da mislim da je pravo vrijeme da se donese jedna odluka u onoj formi u kojoj sam vam ja to poslao na e-mail, a evo i po ovoj inicijativi koja kolaratira zajedno sa našom inicijativom, tako da je vrijeme da Gradsko vijeće usvoji da dobijemo direktne izbore u savjete mjesnih zajednica i da se riješimo pitanja neaktivnih članova mjesnih zajednica, iz bilo koje stranke, jer je ono najgore što se može desiti za lokalnu demokratiju, odnosno za mjesne zajednice, da stranke upravljaju pitanjima šta će se raditi, koja cesta će se gdje raditi, šta ono mjesnoj zajednici treba. To znaju ljudi na terenu, ljudi koji su dijelom i nepolitični, ljudi koji su dijelom i evo u politici, nebitno svi imaju mogućnost da se kandiduju i da dokažu zbog čega bi oni trebali da budu u savjetu mjesnih zajednica. Tako da podržavam u potpunosti ovu inicijativu i nadam se da će se nešto uraditi po ovom pitanju i želim na kraju da se zahvalim gradonačelniku Lugaviću, jer evo već drugu godinu kako on pravi Budžet, kako kreira, novac se nalazi na računu za direktno izborom mjesne zajednice, samo je ovdje pitanje šesnaest ruku od nas trideset jedne koji to žele il ne žele, ovaj, da usvoje zato što znaju da su im članovi savjeta, pa evo imam i ja svojih, naravno, donekle i neaktivni i da neće uspjat da izbore onoliko mandata koliko se dobije političkom podjelom. Hvala lijepo.

NATAŠA PERIĆ

U redu. Hvala. Vijećnica Selma Čatibušić. Izvolite.

SELMA ČATIBUŠIĆ – vijećnik Platforme za progres

Ništa. Podržavam inicijativu. Drago mi je da...mislim mi smo jedno, ja mislim Gradsko vijeće koje, ovaj, treba da se priloži inicijativa da se zakon ispoštuje. Drago mi je što će konačno da se raspišu ti izbori u mjesnim zajednicama. Žao mi je što nismo iskoristili momenat, jer nam je trebalo tri godine da implementiramo ono što piše u Statutu. Nećemo ni sad iskoristiti momenat da budemo eto da kažemo mi smo, ovaj, vijećnici ovog mandata, za vrijeme čijeg mandata se raspisali izbori izabranih ljudi. Vratili se tome zato što je odluka kad se usvoji čekat će se vjerovatno do sljedeće nekad godine. Hajde drago mi je ko bude u narednom sazivu Gradskog vijeća da će se eto moći makar time pohvalit. Žao mi je što nismo to mogli mi. I eto hvala što, ovaj, konačno poštujemo zakon. To je baš nako prihvatljivo.

NATAŠA PERIĆ

Dobro. Hvala.

Zaključujem raspravu vijećnika.

Sada stavljam na izjašnjavanje Inicijativu Građanskog pokreta „Buđenje“ za donošenje odluke o uređivanju izbornog procesa za savjete mjesnih zajednica iz člana 96. stav 3. Statuta Grada Tuzle, sa mišljenjima Komisije za statutarna pitanja i propise i gradonačelnika.

Molim vijećnike da se izjasne.

Glasanje je okončano. Ponovo stavljam na izjašnjavanje.

Glasanje je okončano.

Konstatujem da prijedlog Građanskog pokreta „Buđenje“ Tuzla za donošenje odluke o uređivanju izbornog procesa za savjete mjesnih zajednica iz člana 96. stav 3. Statuta Grada Tuzle, sa mišljenjima Komisije za statutarna pitanja i propise i gradonačelnika, nije dobio potrebnu većinu,

10 vijećnika je glasalo za, niko nije bio protiv i 15 suzdržanih.

Omer Berbić, vijećnik Naše stranke, je u poslovničkom roku, 28.05., dostavio prijedlog da se u dnevni red 39. redovne sjednice Gradskog vijeća uvrsti tačka pod nazivom:

- RAZMATRANJE SIGURNOSNE SITUACIJE POVODOM NEMILOG DOGAĐAJA TROSTRUKOG UBISTVA I SAMOUBISTVA U GRADU TUZLI, KANTONU I ŠIREM PODRUČJU.

30.05. vijećnik Omer Berbić je dostavio obavijest da povlači ovaj prijedlog za dopunu dnevnog reda, a nakon konsultacija sa predsjednicom Komisije za jednakopravnost spolova koja je dobila zaključke Kolegija Gradskog vijeća.

Vijećnik Omer Berbić je u poslovničkom roku, 28.05., dostavio prijedlog da se u dnevni red 39. redovne sjednice Gradskog vijeća Tuzla uvrsti tačka pod nazivom:

- ODLUKA O IZBORIMA ZA SAVJET MJESNIH ZAJEDNICA GRADA TUZLA.

Evo, vijećniče Berbiću hoćete obrazložiti ukratko?

OMER BERBIĆ

Hvala ljepo. Ja sam nakon što smo više puta raspravljali na ovom Gradskom vijeću, nakon što smo dobili više puta mišljenja na razne inicijative raznih vijećnika, došli smo do

jednog problema, tj. kaže nisu statuti mjesnih zajednica usaglašeni sa Statutom Grada. Pa izvinite, stvarno, ako mi trebamo čekat mjesne zajednice da usklade svoje statute sa Statutom Grada, onda nešto u ovom gradu je truhlo, odnosno ne valja, odnosno ne radi se kako treba.

Onda dođe do druge priče kaže Gradsko vijeće nije usvojilo odluku kad će se raspisati izbori. To je naša statutarna obaveza po statutu kojeg smo sami sebi donijeli. Naša statutarna obaveza, ljudska, moralna, etička, politička, svaka vrsta obaveze jeste da mi odluku o raspisivanju izbora u mjesne zajednice donesemo bar do kraja ovog mandata, jer smo u ovom mandatu usvojili statut u kojem piše da se šest mjeseci nakon usvajanja statuta izbori direktni u savjete mjesnih zajednica moraju provesti. I mi to ne uradimo. I svaki put dođe do neke kao tehničke greške. Kao nema tehničke mogućnosti. Mislim ako Grad Tuzla ne može iskontrolisati svoje mjesne zajednice da promijene svoje statute, ja onda stvarno ne znam koja je funkcija Grada. I onda je to moralo da ide do federalnog nivoa. Moralo da se raspravlja o tome i na kantonalnom. Moralo da se raspravlja na Gradskom vijeću. Ljudi, sami sebe dovodimo u jednu poziciju sramote, da od sebe pravimo grad slučaj, da od sebe pravimo vijeće slučaj, jer smo na ovom Gradskom vijeću usvojili statut koji kršimo.

Zato smo mi evo napisali odluku, koja ima sasvim dovoljno članova i sasvim dovoljno mesa, da ta odluka definiše da mjesne zajednice svoj statut moraju prilagoditi i da će se ne kasnije od šest mjeseci od donošenja ove odluke direktni izbori mjesne zajednice sprovesti. Zašto ovo govorim? Imamo lokalne izbore, imamo gotove spiskove, imamo Gradsku izbornu komisiju, koja neće imati puno posla, da nakon lokalnih izbora implementira naš statut grada koji smo donijeli, jer ako sad ne donesemo nakon lokalnih izbora opet će doći do nove podjele savjeta u mjesnim zajednicama i opet će se politički podijeliti savjeti i opet će govoriti da imaju tehničke greške i tehničke nemogućnosti. Ako bar nećete to, onda zamijenite statut. Promijenite statut. Dajte na idućoj sjednici da ga promijenimo. Ja ću glasati protiv. Ovdje ko hoće da glasa za, ja nemam ništa protiv. Imate većinu. Promijenite statut. Ukinite da se direktno biraju ljudi u savjete mjesnih zajednica. Recite da se politički biraju, ali budite barem transparentni. Iz tog razloga volio bih da Gradsko vijeće usvoji ovu dopunu dnevnog reda. Ima gotova odluka. Poslao sam na e-mail. Sa tom odlukom mi možemo sprovesti direktne izbore u mjesne zajednice do kraja ove godine.

Drago mi je da je „Karton revolucija“ stala uz ovu priču i drago mi je da su oni inicirali svoju vrstu priče na ovu temu. Drago mi je da ima evo, da je barem deset gradskih vijećnika koji će podržati. Nadam se da će se naći šest ljudi koji vide u ovom zaista jednu političku korektnost. Nije mi ideja nit mi je inicijacija na neki način da bilo koga ovdje isprovociram, nego dajte ljudi da usvojimo sta...da ispoštujemo statut koji smo usvojili. Ako treba da se zaposli još jedna, dvije osobe u Gradsko...u Gradsku upravu, da se to sprovede kako treba i da se to nadzire, dajte da i tu uradimo u Službu za komunalne poslove. Ali dajte napokon da ljudi imaju mogućnost direktnog izbora u savjete mjesnih zajednica. Fala ljepo.

NATAŠA PERIĆ

Hvala Omere. Vijećnica Selma Čatibušić. Izvolite.

SELMA ČATIBUŠIĆ

Stvarno Omere, ne znam što se nerviraš toliko, jedino što trebamo uraditi jeste na svojim, je li stranačkim skupovima i gradskim odborima jednostavno naložiti ljudima koje smo i postavili politički da završe te statute u mjesnim zajednicama, a obzirom da nisu pali s neba, nego smo ih mi imenovali, ovaj, kako je koja stranka dobila mjesta u tim, ovaj, mjesnim zajednicama. Mi znamo da nismo, iako samo imamo dvije vijećnice, dobili smo dvadeset i nešto mjesta otprilike po našem biračkom tijelu. To su uglavnom trebali biti predstavnici u

ovim urbanim mjesnim zajednicama po glasanju, obzirom da su nas tu ljudi najviše podržali. Međutim, to se nije desilo. Jedino je naš prijedlog odbijen, tako da smo mogli da imenujemo dvadeset i jednu mjesnu zajednicu, mislim da smo imenovali osam. Ostali su otišli nekome. Kome? Ne znamo. Nije nas ni briga. Bitno je da smo uštedjeli gradski budžet. Nama je uvijek drago da to uradimo, ovaj, statutom mjesnih zajednica tražim od nadležne službe samo da mi dostavi informaciju koje tačno mjesne zajednice su, ovaj, dostavile usaglašen satut mjesne zajednice sa statutom Grada Tuzle. Koje to nisu obavile? I evo apelujem na kolege samo da ovaj svoje stranačke kolege koje su tu, predstavnici u tim mjesnim zajednicama kažu, de molim te ovaj da završimo to da bismo konačno mogli da ispoštujemo zakon. Eto. Hvala.

NATAŠA PERIĆ

Hvala.

Zaključujem raspravu vijećnika.

Stavljam na izjašnjavanje prijedlog vijećnika Berbića da se u dnevni red 38. redovne sjednice Gradskog vijeća Tuzla uvrsti tačka pod nazivom ODLUKA O IZBORIMA ZA SAVJET MJESNIH ZAJEDNICA NA PODRUČJU GRADA TUZLA. Molim vijećnike da se izjasne.

Poništavam glasanje. Molim ponovo da se izjasnite.

Glasanje je okončano.

Konstatujem da prijedlog vijećnika Omera Berbića da se u dnevni red današnje sjednice uvrsti tačka pod nazivom ODLUKA O IZBORIMA ZA SAVJET MJESNIH ZAJEDNICA NA PODRUČJU GRADA TUZLA, nije dobila potrebnu većinu,

9 vijećnika je glasalo za, niko nije bio protiv i 15 suzdržanih.

Gradonačelnik Grada Tuzle je u poslovničkom roku, 28.05., dostavio prijedlog da se u dnevni red 39. redovne sjednice uvrsti tačka pod nazivom:

- RAZMATRANJE I DONOŠENJE ODLUKE IZMJENAMA ODLUKE O KOMUNALNOM REDU.

Imajući u vidu navedeni prijedlog gradonačelnika, predlažem da se u dnevni red 39. redovne sjednice Gradskog vijeća Tuzla kao tačka 4. uvrsti:

- RAZMATRANJE I DONOŠENJE ODLUKE IZMJENAMA ODLUKE O KOMUNALNOM REDU, a da se ostale tačke redoslijedom pomjere.

Molim vijećnike da se izjasne.

Glasanje je okončano.

Konstatujem da je prijedlog gradonačelnika da se pod tačkom 4. uvrsti tačka RAZMATRANJE I DONOŠENJE ODLUKE O IZMJENAMA ODLUKE O KOMUNALNOM REDU usvojena sa,

25 glasova za, nije bilo protiv i nije bilo suzdržanih.

Kolegij Gradskog vijeća je danas pred početak 39. sjednice Gradskog vijeća Tuzla održao vanrednu sjednicu, te predlaže Gradskom vijeću Tuzla da se tačka 2. RAZMATRANJE I USVAJANJE ODLUKE O DODJELI JAVNIH PRIZNANJA U 2024. odloži za narednu sjednicu, te traži od Komisije za odlikovanja i priznanja da još jednom razradi prijedloge i biografije predloženih kandidata.

Molim vijećnike da se izjasne.

Glasanje je okončano.

Konstatujem da je prijedlog Kolegija Gradskog vijeća da se tačka 2. RAZMATRANJE I USVAJANJE ODLUKE O DODJELI JAVNIH PRIZNANJA U 2024. odloži za narednu

sjednicu, te traži od Komisije za odlikovanja i priznanja da još jednom razmotri prijedloge i biografije predloženih kandidata usvojena sa,

26 glasova za, nije bilo protiv i nije bilo...2 su bila protiv, pardon, i nije bilo suzdržanih.

Sada stavljam izjašnjavanje dnevnog reda u cjelini.

Molim vijećnike da se izjasne.

Glasanje je okončano.

Konstatujem da je dnevni red u cjelini usvojen sa,

26 glasova za, 2 su bila protiv i nije bilo suzdržanih.

D N E V N I R E D

- Usvajanje Skraćene verzije zapisnika sa 38. redovne sjednice Gradskog vijeća Tuzla, održane 24.4.2024. godine

1. VIJEĆNIČKA PITANJA I INICIJATIVE

2. RAZMATRANJE I USVAJANJE ODLUKE O KANDIDOVANJU PROJEKATA U PROGRAM JAVNIH INVESTICIJA FEDERACIJE BOSNE I HERCEGOVINE 2025-2027 GODINE

3. RAZMATRANJE I DONOŠENJE ODLUKE O IZMJENAMA ODLUKE O KOMUNALNOM REDU

4. RAZMATRANJE I USVAJANJE ODLUKE O USVAJANJU KONAČNE RANG LISTE KANDIDATA ZA IZDAVANJE U ZAKUP STANOVA U VLASNIŠTVU GRADA TUZLA I STANOVA NA KOJIMA GRAD TUZLA IMA PRAVO RASPOLAGANJA

5. RAZMATRANJE I USVAJANJE

a) ODLUKE O IZMJENI ODLUKE O PLAĆAMA UPOSLENIKA GRADSKIH ORGANA TUZLA

b) ODLUKE O IZMJENAMA I DOPUNAMA ODLUKE O NAKNADAMA UPOSLENICIMA GRADSKIH ORGANA UPRAVE TUZLA KOJE NEMAJU KARAKTER PLAĆE

6. RAZMATRANJE I USVAJANJE

a) ODLUKE O DAVANJU SAGLASNOSTI UPRAVNOM ODBORU JU ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE DIREKTORA USTANOVE

b) ODLUKE O DAVANJU PRETHODNE SAGLASNOSTI NADZORNOM ODBORU JKP „KOMUNALAC“ D.O.O. TUZLA ZA IMENOVANJA DIREKTORA DRUŠTVA

7. a) RAZMATRANJE INFORMACIJE O PROVEDENOM POSTUPKU PO JAVNOM OGLASU ZA IZBOR PREDSJEDNIKA I ČLANOVA UPRAVNOG ODBORA JU TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA

b) RAZMATRANJE I USVAJANJE ODLUKE O PONIŠTAVANJU JAVNOG OGLASA ZA IZBOR I IMENOVANJE PREDSJEDNIKA I ČLANOVA UPRAVNOG ODBORA JAVNE USTANOVE TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA

8. RAZMATRANJE I USVAJANJE:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG

KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA (sa tekstom Javnog oglasa)

b) ODLUKE O KRITERIJIMA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA

c) RJEŠENJA O IMENOVANJU KOMISIJE ZA IZBOR ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA

d) ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENO MJESTO ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA

9. RAMATRANJE I USVAJANJE:

a) Odluke o izboru najpovoljnijeg ponuđača za davanje u zakup poslovne prostorije u Tuzli, ulici Malkočeva br. 4

b) Odluke o davanju saglasnosti na zaključenje ugovora o zakupu poslovne prostorije sa Trgovinskom radnjom „PARIS“, vl. Dizdarević Azra Tuzla

c) Rješenja o izmjeni Rješenja o imenovanju Komisije za provođenje javnog oglasa o davanju u zakup poslovnih zgrada, poslovnih prostorija i garaža

10. RAZMATRANJE I USVAJANJE IMOVINSKO-PRAVNIH AKATA:

a) Odluka o prodaji nekretnine u vlasništvu Grada Tuzle neposrednom pogodbom i davanju saglasnosti na zaključenje ugovora o prodaji

b) Odluka o stavljanju van snage Odluke o prenosu prava vlasništva na nekretninama po Prvom javnom konkursu za prenos vlasništva bez naknade na nekretninama u vlasništvu Grada Tuzle licima nastradalih područja u svrhu izgradnje individualnog stambenog objekta broj 01/07-31-7166/2014-28 od 29.12.2014. godine

c) Odluka o davanju saglasnosti na opterećenje prava građenja zasnovanog u poslovnoj zoni „Kreka Sjever“ u Tuzli na nekretnini u vlasništvu Grada Tuzle

11. RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2023. GODINU:

a) JP Gradska veterinarska stanica d.o.o.Tuzla

b) JP RPC Tuzla - Inkubator „Lipnica“ d.o.o. Tuzla

12. RAZMATRANJE I USVAJANJE IZVJEŠTAJA O RADU JAVNIH USTANOVA ČIJI JE OSNIVAČ ILI SUOSNIVAČ GRAD TUZLA ZA 2023. GODINU

a) JU Gradski stadion „Tušanj“ Tuzla

13. RAZMATRANJE INFORMACIJE O REALIZACIJI INTEGRISANE STRATEGIJE RAZVOJA GRADA TUZLE DO 2026. GODINE REVIDIRANA STRATEGIJA RAZVOJA GRADA TUZLE 2019. – 2021. GODINE – INFORMATIVNI PERIOD 2023.GODINA

14. RAZMATRANJE INFORMACIJE O UPRAVLJANJU I KORIŠTENJU STAMBENOG FONDA GRADA TUZLE

15. RAZMATRANJE INFORMACIJE O REALIZACIJI ODLUKE O DIMNJAČARSKIM POSLOVIMA ZA 2024. GODINU

16. RAZMATRANJE INFORMACIJE O AKTIVNOSTIMA RADNOG TIMA ZA IZRADU ANALIZE I PLANA AKTIVNOSTI ZA REALIZACIJU IZGRADNJE JAVNE GARAŽE U KOMPLEKSU UNIVERZITETSKO KLINIČKOG CENTRA TUZLA

17. RAZMATRANJE IZVJEŠTAJA KOMISIJE ZA IZBOR I IMENOVANJA

18. TEKUĆA PITANJA

a) Obavještenje JKP Komemorativni centar d.o.o. Tuzla o razlozima prolongiranja izrade Izvještaja o radu i poslovanju za 2023. godinu

b) Obavještenje Službe za prostorno uređenje i zaštitu okoline o razlozima prolongiranja izrade Izmjene Regulacionog plana prostorne cjeline "Sjenjak 1" i prostorne cjeline „Sjenjak 2“

c) Obavještenje JP SKPC Mejdan d.o.o. Tuzla o razlozima prolongiranja izrade Izvještaja o radu i poslovanju za 2023. godinu

Prelazimo na:

VIJEĆNIČKA PITANJA I INICIJATIVE

Prva tačka.

Vijećnici Ana Pejić i Anel Ibeljić. (ANA PEJIĆ – Prilažemo). Prilažete. Vijećnik Omer Delalić. Izvolite. Neka se pripremi vijećnik Hirkić.

OMER DELALIĆ – samostalni vijećnik

Hvala predsjedavajuća. Postavljam pitanje Službi za komunalne poslove, izgradnju i poslove mjesnih zajednica. (NATAŠA PERIĆ – Molim vas, tišine malo).

Kada će se izvršiti postavljanje saobraćajnih ogledala u Vakufskoj ulici, Mjesna zajednica Ši Selo?

Stanovnici ove ulice su mi se obratili i smatram da je potrebno postaviti saobraćajno ogledalo, jer se na toj raskrsnici dogodilo već nekoliko saobraćajnih nesreća u proteklom periodu, te bi se na taj način olakšalo odvijanje saobraćaja i spriječile potencijalne nezgode. Hvala.

NATAŠA PERIĆ

U redu. Hvala. Vijećnik Hasib Hirkić. Neka se pripremi vijećnik Nikica Vidović. Izvolite.

HASIB HIRKIĆ – samostalni vijećnik

Evo ja ću priložiti inicijativu od Mjesne zajednice (NATAŠA PERIĆ – Pitanja, pitanja)...Pitanje vezano za Mjesnu zajednicu Grabovica, a radi se o kanalizacionoj mreži, kao i u ostalim mjesnim zajednicama na području grada Tuzle, tamo gdje nema kanalizacione mreže, uz peticiju, znači, građana Grabovice.

NATAŠA PERIĆ

Dobro. Hvala. Vijećnik Nikica Vidović. Izvolite.

NIKICA VIDOVIĆ – vijećnik Hrvatske demokratske zajednice

Imam dva vijećnička pitanja.

Prvo je: Kada se planiraju radovi na izradi parkinga kod Crkve „Svetog Nikole Tavelića“ u Brgulama?

Kratko obrazloženje: U nekoliko navrata je pitano za izradu parking mjesta kod Crkve „Svetog Nikole Tavelića“ u Brgulama, ali nemamo povratnu informaciju kada bi se izvodili navedeni radovi. Molim odgovor i realizaciju vezanu za početak ove veoma značajne aktivnosti.

Drugo vijećničko pitanje: Kada se planiraju radovi na sanaciji prometnice za groblje Srednja Lipnica, koji je na više mjesta oštećen usljed klizišta?

Obrazloženje: Savjet Mjesne zajednice je kroz procedure zatražio uređenje i sanaciju prometnica i udarnih rupa na relaciji Srednja Lipnica. Napominjem da je stanje prometnice sve lošije usljed klizišta i postoji mogućnost da vozila pogrebnog pouzeća neće voziti do groblja, što predstavlja veliki problem. Za navedenu dionicu je mnogo puta pitano i Savjet Mjesne zajednice Srednja Lipnica je na sjednici savjeta zatražio informaciju. Molim odgovor i realizaciju vezanu za ovu aktivnost.

Unaprijed hvala.

NATAŠA PERIĆ

U redu. Hvala. Vijećnik Zoran Jovanović prilaže vijećnička pitanja. Ima li još neko da... Selma Čatibušić. Samo molim vas... i Omer Berbić priložit ćete. Selma izvolite.

SELMA ČATIBUŠIĆ

Na osnovu 91. Poslovnika o radu Gradskog vijeća prilažem prvo vijećničko pitanje, a ujedno i zahtjev nadležnoj Službi za budžet i finansije Grada Tuzle i Službi Gradskog vijeća Grada Tuzle za dostavljanje izvještaja o finansiranju političkih stranaka u Gradskom vijeću Grada Tuzle za period od početka mandata 2020. godine, pa sve do danas.

Obrazloženje: Svjesna činjenice da ovakve informacije postoje u Budžetu Grada za svaku godinu, mišljenja sam da građankama i građanima ponekad teško razumjeti Budžet ili jednostavno nemaju vremena iščitati i pronaći sve informacije. Ovim putem molim nadležnu službu da mi pismeno i u zakonskom predviđenom roku dostavi sljedeće informacije: godišnji prikaz prihoda svake političke stranke Gradskog budžeta Grada Tuzle, odnosi se na klubove vijećnika, kao i ukupni prihodi za svaku stranku od početka mandata pa sve do danas.

Obzirom da imamo poprilično veliki broj samostalnih vijećnika, a iskreno i laički rečeno iako sam sudionik donošenja odluka, ni sama ne mogu da „pohvatam“ koji sve klubovi rade i funkcionišu u Gradskom vijeću Grada Tuzle, te molim da mi se ta informacija dostavi pismeno, kao i informacija o istim prihodima. Na primjer: Ukoliko je neko samostalni vijećnik ili vijećnica, a imaju klub, kome onda ide novac predviđen za političke stranke? Tačnije, u Budžet koje političke stranke? Da li samostalni klubovi uopšte imaju funkcionalni klub...samostalni vijećnici, pardon, uopšte imaju klub koji može funkcionisati?

Molim takođe da mi se dostave informacije o tome koliko svaka politička stranka ima dodijeljenih komisija, tj. radnih tijela pri Gradskom vijeću Grada Tuzle, te tražim da mi se po imenice dostavi i svaki vijećnik u kojoj je komisiji, u skladu sa Pravilnikom Gradskog vijeća Grada Tuzle, koji nalaže da izabrani dužnosnici mogu postavljati pitanja, ali isto tako u skladu sa Zakonom o pristupu informacijama, tražim da mi se ove informacije dostave u predviđenom roku.

Drugo vijećničko pitanje odnosi se na to: Kada se može očekivati realizacija inicijative koju sam postavila prije nekoliko mjeseci, a odnosi se na postavljanje odnosno sređivanje novih gradskih česmi, posebno u užem jezgru grada?

Obrazloženje sam navela u pitanju.

NATAŠA PERIĆ

Dobro. Hvala Selma. Vijećnik Omer Berbić prilažete jel? Dobro. Samo dostavite evo Slađani.

Prelazimo na **VIJEĆNIČKE INICIJATIVE**

Ibeljić Anel, Ana Pejić (ANEL IBELJIĆ – Prilažemo). Prilažete.

Vijećnici SDP-a u Gradskom vijeću grupno Merima Softić Sprečić, Elvir Bijedić, Alen Kapidžić, Miodrag Tanasilović i Alen Ovčina. Izvolite.

MERIMA SOFTIĆ SPREČIĆ – vijećnik Socijaldemokratske partije

Hvala predsjedavajuća. Pozdravljam sve prisutne. Vijećnička inicijativa upućena na ruke direktora i uprave Javno Zdravstveno Nastavna Ustanova Dom zdravlja „Dr. Mustafa Šehović“. Inicijativa za razdvajanje novoformiranog odjeljenja na dva odjeljenja koja su postojala prije. Odjeljenje polivalentnu patronažu i Odjeljenje za zdravstvenu njegu.

Obrazloženje: U Javno Zdravstveno Nastavnoj Ustanovi Dom zdravlja „Mustafa Šehović“ Tuzla je po informacijama koje imamo došlo do sastavljanja tj. udruživanja dva odjeljenja koja su do prije par mjeseci djelovala razdvojeno. Sada se ovo novoformirano odjeljenje naziva Odjeljenje za zdravstvenu njegu u zajednici i van bolničku palijativnu njegu, Polivalentna patronaža.

Nakon što je formirano novo odjeljenje, Polivalentna patronaža je pored svojih redovnih dobila i nove zadatke koji se odnosi na bolesne ljude i teške terminalne faze kao što su parenteralna terapija, zamjena katetera, stoma, previjanje dekubitalnih rana i slično. Za razliku od nekada kada je patronaža radila sa zdravom populacijom stanovništva i vodila brigu o trudnicama, porođiljama, novorođenčadi i dojenčadi, kada se u posjete išlo po potrebi, jer je bilo neophodno biti podrška porođiljama u tim prvim počecima majčinstva i to u fazama kada dolazi do otpadanja pupka novorođenčeta, te pravilno tretiranje tog područja, uz postavljanje laktacije kod majke koja zna biti veoma bolna i neugodna, previjanje rana kod obje vrste poroda prirodnog ili carskog, završne nalaze koje patronaža radi u kući porođilje ili slično. Sada nažalost po informacijama koje imamo i od novih porođilja, te posjete mogu da se završe za jedan dan ili dva dana.

Takođe kao dodatni motiv da se inicijativa iz naslova realizuje i informacija da odjeća koja se nosi kod pacijenata sa inficiranim ranama, često nije prikladna za iste posjete u istom danu novorođenčadima i majkama.

Kao jedan primjer navodimo da naša Pedijatrija ima zdravu ili bolesnu stranu ili Neonatologija ne spaja novorođenče staro par sati s majkom dok ona ima potrebu za previjanjem, nego ide kući, ili poslije skidanja konaca spaja se na odjel s bebom, a sve kao prevencija infekcije. Da ne govorimo o tome koliko znači osmijeh na licu patronažne sestre kada ti otvori vrata i pruži svu svjetlost u prvim danima majčinstva. A da li su nakon takvih posjeta težim pacijentima emotivno spremne dati svu svoju pozitivnu energiju?

Zapitajte se svi kome je na pamet palo spajanje ova dva odjeljenja, jer trenutna praksa je pokazala da je to ugrožavanje zdravstvene sigurnosti majke i djeteta.

Nadam se da će svi odgovorni u ovoj instituciji, ali i oni koji su učestvovali u ovom procesu spajanja dva odjeljenja u veoma kratkom vremenskom roku razmotriti ovu inicijativu i razdvojiti ove dvije službe.

Odgovor na inicijativu tražimo do sljedeće sjednice Gradskog vijeća što hitnije kako bi se mogli zauzeti određeni stavovi i poduzeti naredni koraci. Hvala.

NATAŠA PERIĆ

U redu. Hvala. Vijećnik Mensur Alić prilaže. Ima li još? Aha. Pardon. Vijećnik Hasib Hirkić. Izvolite. I vi prilažete. Esana izvolite.

ESANA KAVAZBAŠIĆ HUSKANović – vijećnik Platforme za progres

Pa, imam dvije usmene inicijative.

Prva inicijativa se odnosi na 25. maj. Smatram, ovaj, da bi mogli na Kapiji, al to bi trebalo vidjet sa službama, da napravimo od lampica, 71 lampe, ovaj, kao zvjezdano nebo. Kao spomen na sve stradale na Kapiji. I mislim da bi to bio jedan jako lijep gest grada, ovaj, prema svim žrtvama koje su tu nastradale, a, ovaj, svi građani i djeca, ko god bi dolazio tu, znači, pogotov noću, imali bi osjećaj, znači, jer su oni naše zvijezde. Da se to uradi na neki način. Mislim sa službama bi to trebalo vidjet na koji način, al da se postavi ciljano 71 lampica.

Ovaj, druga moja inicijativa tiče se naselja Obodnice ili Breške. Oni su nama uputili na komisiju jedan zahtjev i molbu, al sad ja to upućujem kao inicijativu. Oni imaju veliki problem sa vodom gore. Znači, nije samo dovoljno to što su osuđeni da nisu priključeni na vodovod, već ovise o nekim cisternama, već nemaju dovoljno cisterni. I oni već ne znam koji put mole da im se omoguće bar dvije ili više cisterni, jer ljudi ne mogu funkcionisat. I smatram zaista da bi se trebalo ozbiljno uradit nešto po pitanju toga. Mislim, pričali smo na komisiji sa osobama koje rade, znači, u službi. Cisterne se mogu obezbijedit. Znači, samo je do Grada da im to obezbijedi, a to je najmanje što možemo učiniti za ta dva naselja. Znači, to je Obodnica i Breška i da dobiju više, minimalno dvije cisterne su oni tražili dnevno, al ako može više bilo bi dobro. Eto.

NATAŠA PERIĆ

Hvala Esana. Ima li još neko usmeno? Vijećnik Berbić. Vi ćete priložit Omere Berbić. Selma Čatibušić. Izvolite.

SELMA ČATIBUŠIĆ

Prva vijećnička inicijativa prema Javnoj ustanovi Dom zdravlja „Mustafa Šehović“ Tuzla za omogućavanje vađenja krvi, odnosno laboratorijskih nalaza u kućnim uslovima za djecu sa poteškoćama u razvoju.

Obrazloženje: Na internet stranici Centra za ranu intervenciju „Mali svijet“, naišla sam na objavu koja govori o realizaciji gore navedene inicijative u gradu Lukavcu. Bila bih zahvalna menadžmentu Doma zdravlja Tuzla da mi dostavi odgovor da li to radi naša Javna ustanova? Ukoliko da, molim da mi se samo ta informacija pismeno potvrdi. Ukoliko ne, ovim putem pokrećem vijećničku inicijativu da se krene sa pokretanjem i realizacijom ove navedene radnje.

Druga vijećnička inicijativa ujedno je i urgencija na moju već 47 puta postavljenu vijećničku inicijativu, za dodjelu karte za besplatan parking za dobrovoljne davaoce krvi, koji su darovali krv više od dvadeset puta. Inicijativu ponavljam da Grad Tuzla u skladu sa pravilnicima snosi troškove poreza za ovakav tip karte, PDV-a, da to ne bi padalo, je li, na teret nadležnom javnom preduzeću, dok bi javno preduzeće se postaralo za omogućavanjem ove karte. Stvarno ne vjerujem da je prevelik broj ljudi koji su darovali krv više od dvadeset puta, uzimajući u obzir da svako darivanje krvi traži jedan vremenski interval od šest mjeseci. Smatram da tim ljudima svakako...oni ne traže direktno neku zahvalnost ili nešto slično, ali Grad Tuzla bi na simboličan način pokazao da cijeni taj njihov gest.

I još jedna vijećnička urgencija odnosi se na postavljanje takozvanih Book ili kutaka za knjigu, za razmjenu knjiga u našem gradu. To je tako simbolično. Tako ljepo i slatko. I eto krenuli bismo ka koraka urbanizmom malo još većem u našem gradu. Pogotovo za nas koji eto volimo da čitamo knjige i voljeli bismo da razmijenimo ih s nekim. Hvala.

NATAŠA PERIĆ

U redu. Hvala.

Prelazimo na narednu tačku:

RAZMATRANJE I USVAJANJE ODLUKE O KANDIDOVANJU PROJEKATA U PROGRAM JAVNIH INVESTICIJA FEDERACIJE BOSNE I HERCEGOVINE PERIOD 2025-2027

Predlagач je gradonačelnik Grada Tuzla

Obrađivač: Služba za komunalne poslove, izgradnju i poslove mjesnih zajednica

Materijal su razmatrali: Komisija za statutarna pitanja i propise, Komisija za ekonomske odnose, Komisija za komunalne poslove i pitanja mjesnih zajednica i klubovi vijećnika.

Ima li potrebe za uvodnim izlaganjem? (SELMA ĆATIBUŠIĆ – Ima). Molim? (SELMA ĆATIBUŠIĆ – Da, da). Ima. Molim ispred Službe za komunalne. Izvolite. Mersiha. Melisa, pardon, Džindo. Jel?

MELISA HADŽIABDIĆ – Stručni savjetnik za upravno rješavanje i normativno-pravne poslove u Službi za komunalne poslove, izgradnju i poslove mjesnih zajednica

Prije svega sve vas srdačno pozdravljam. Pravni osnov za donošenje ove odluke sadržan je u članu 8. Uredbe o načinu i kriterijima za pripremu, izradu i praćenje realizacije programa javnih investicija, kao i članu 25. Statuta Grada Tuzla, kojim je propisana nadležnost Gradskog vijeća za donošenje propisa.

Postupajući u skladu sa odredbama Uredbe, pomenute Uredbe, Ministarstvo privrede Tuzlanskog kantona je, ovaj, uputilo inicijativu Gradu Tuzla da podnesu svoje prijedloge za kandidiranje projekata u program javnih investicija, kako Tuzlanskog kantona, tako i Federacije. Kako je u međuvremenu nastupila Uredba o izmjeni pomenute Uredbe koja je nastupila na snagu 7. marta, a koja se tiče, ovaj, same pripreme dokumentacije koja je neophodna da bi se pomenuti projekti uopšte razmatrali i kandidovali. Navedene izmjene podrazumijevaju da sada Gradsko vijeće odlučuje, ovaj, koji se to projekti kandidiraju u program javnih investicija.

Slijedom navedenog, a u cilju stvaranja propisanih preduslova za kandidovanje, razmatranje i eventualno, ovaj, uvrštavanje projekata Grada Tuzla u program javnih investicija Federacije Bosne i Hercegovine za period 2025 – 2027. godine, Služba je kao obrađivač pripremila pomenutu odluku.

NATAŠA PERIĆ

Dobro. Hvala vam Mersiha. Možete ić na mjesto. Ako bude pitanja tokom diskusija eventualno, odgovorit ćete.

Da li ima potrebe da se pročitaju izvještaji komisija? (SELMA ĆATIBUŠIĆ – Da).
Molim da se pročitaju izvještaji komisija.

SLADANA KRAJINA – sekretar Gradskog vijeća Tuzla

Iz izvještaja Komisije za statutarna pitanja i propise koja je održala sjednicu 29.05.2024. godine, Komisija za statutarna pitanja i propise je razmatrala Odluku o kandidovanju projekata u program javnih investicija Federacije Bosne i Hercegovine 2025-2027. godina, te je usvojila sljedeći

ZAKLJUČAK

Komisija za statutarna pitanja i propise je razmatrala i prihvata Odluku o kandidovanju projekata u program javnih investicija Federacije Bosne i Hercegovine 2025-2027. godina, te istu upućuje Gradskom vijeću Tuzla na razmatranje i izjašnjavanje.

Izvještaj Komisije za ekonomske odnose sa sjednice održane 28.05.2024. godine, Komisija za ekonomske odnose je razmatrala Odluku o kandidovanju projekata u program javnih investicija Federacije Bosne i Hercegovine 2025-2027. godina, te je usvojila sljedeći

ZAKLJUČAK

Komisija za ekonomske odnose je razmatrala i prihvata Odluku o kandidovanju projekata u program javnih investicija Federacije Bosne i Hercegovine 2025-2027. godina, te istu upućuje Gradskom vijeću Tuzla na razmatranje i usvajanje.

Izvještaj sa sjednice Komisije za komunalne poslove i pitanja mjesnih zajednica održane 28.05.2024. godine, Komisija za komunalne poslove i pitanja mjesnih zajednica je razmatrala Odluku o kandidovanju projekata u Program javnih investicija Federacije Bosne i Hercegovine 2025-2027. godina, te je usvojila sljedeći

ZAKLJUČAK

Komisija za komunalne poslove i pitanja mjesnih zajednica je razmatrala i prihvata Odluku o kandidovanju projekata u Program javnih investicija Federacije Bosne i Hercegovine 2025-2027. godina, te je upućuje Gradskom vijeću Grada Tuzla na razmatranje i usvajanje.

NATAŠA PERIĆ

Dobro. Otvaram raspravu klubova vijećnika.
Zatvaram raspravu klubova vijećnika.
Otvaram raspravu vijećnika.
Vijećnik Berbić. Izvolite.

OMER BERBIĆ

Hvala ljepo. Da vam kažem pozitivno sam iznenađen. Vidim da je vrijednost projekata vrlo visoka. Znači, ona ide do nekih 100 miliona maraka. Više. Nadam se da ovo neće samo ostati prazno slovo na papiru. Vidim da je izgradnja istočne tribine Stadiona „Tušanj“ kandidovana sa 10 miliona maraka, što mi je jako drago, ovaj, jer određeni isto zastupnici u

Skupštini kantona su rekli šta god da Grad da, mislim da je ovo inicijativa Grada, da će oni iz Kantona poduplat, tako da bi sa 20 miliona možda moglo završit cijeli Stadion „Tušanj“. Imat ovdje reprezentaciju da nam igra utakmice, što bi bilo zaista veliki uspjeh i za ovaj grad i bilo bi ja mislim drago za sve građane ovog kantona.

Ne bi da idem pojedinačno. Mislim da ima jako interesantnih i jako dobrih projekata. Jedino ono što je moglo, mogli smo napraviti možda malo širi konsenzus oko stvari koje nam trebaju, pa napraviti jedan sastanak da vidimo ko još ima neku ideju da kandiduje, barem od ovih stranaka koje prave, formiraju vlast na federalnom nivou. Mislim da bi to bilo interesantno da vidimo gdje bi mogli ići u tom pravcu. Evo za ubuduće ukoliko se bude ova odluka mijenjala, stavljam se na rasplaganje da dođem i da vidim koliko uticaja možemo imati barem preko naših federalnih poslanika koji su gore. Takođe da i njih treba uključiti u ove kompletne projekte, jer smatram da se ovdje sigurno moglo naći još par miliona maraka, recimo za projekat biciklističke staze od jezera Kop Šićki Brod, pa dole, dole, dole do, do Soline ili određeni projekti koji su vezano za korito rijeke Jale. Možda separaciju otpadnih voda i tako dalje. Tako da, sigurno ovo su jako interesantni projekti i mislim da bi se ovaj novac mogao uduplati kada formiramo napokon Agenciju „Trag“, odnosno, kompletnu njenu strukturu i kada Agencija „Trag“ počne da radi u punom svom kapacitetu, da možemo povući i određeni dio novca iz evropskih projekata, projekata Evropske Unije i USAID-a i tako dalje.

Tako da evo, jako mi je drago da ima, da je to volika cifra, jer što se kaže „Onaj ko ne traži, taj i ne dobije“. Tako da svaka čast i mislim da je trebalo da bude malo širi konsenzus, al nema veze, evo ovo je za početak jako dobra inicijativa. Ali, evo napravićemo možda i širi konsenzus u budućem nekom periodu i da vidimo šta se tu još može, još može tražiti i gdje se može napraviti uticaja da ovi projekti zaista i prođu. Hvala ljepo.

NATAŠA PERIĆ

Hvala vam.

Zaključujem raspravu vijećnika.

Stavljam na izjašnjanje ODLUKU O KANDIDOVANJU PROJEKATA U PROGRAM JAVNIH INVESTICIJA FEDERACIJE BOSNE I HERCEGOVINE 2025-2027.

Molim vijećnike da se izjasne.

Glasanje je okončano.

Konstatujem da je ODLUKA O KANDIDOVANJU PROJEKATA U PROGRAM JAVNIH INVESTICIJA FEDERACIJE BOSNE I HERCEGOVINE 2025-2027 usvojena sa, 20 glasova za, nije bilo protiv i nije bilo suzdržanih.

Tačka tri:

RAZMATRANJE I DONOŠENJE ODLUKE O IZMJENAMA ODLUKE O KOMUNALNOM REDU

Predlagač: gradonačelnik Grada Tuzla

Obrađivač: Služba za komunalne poslove, izgradnju i poslove mjesnih zajednica

Materijal su razmatrali: Komisija za statutarna pitanja i propise, Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? (SELMA ĆATIBUŠIĆ – Da).

Molim ispred službe (SLAĐANA KRAJINA – Komunalna). Slob...Mersiha...Meliha. Melisa. Pardon. Izvinjavam se. Ukratko.

MELISA HADŽIABDIĆ – Stručni savjetnik za upravno rješavanje i normativno-pravne poslove u Službi za komunalne poslove, izgradnju i poslove mjesnih zajednica

Pravni osnov za donošenje ove odluke sadržan je odredbama člana 8. Zakona o principima lokalne samouprave u Federaciji Bosne i Hercegovine kojima su taksativno utvrđene nadležnosti jedinice lokalne samouprave i ustan... (NATAŠA PERIĆ – Molim vas malo pažnje). Ustanovljen je Ustavom i Zakonom i kojima je propisano da jedinica lokalne samouprave ima pravo baviti se pitanjima od lokalnog značaja koja nisu isključena iz njene nadležnosti, kao i člana 25. Statuta Grada Tuzla, kojim je propisana nadležnost Gradskog vijeća za donošenje propisa.

Ukratko razloži za donošenje ove odluke ogleđaju se prije svega u potrebi preciznijeg normiranja i uređenja načina korištenja kompleksa Slana Banja, koji je primjeren memorijalnom karakteru i samoj namjeni kompleksa, kao i stvaranja adekvatnog pravnog osnova nadležnim inspeksijskim organima za vršenje inspeksijskog nadzora i sankcionisanja lica, koje svojim ponašanjem narušavaju komunalni red.

Naime, svjedoci smo neprimjerenih ponašanja i djelovanja pojedinaca u sklopu memorijalnog kompleksa Slana Banja, te intencija predloženih izmjena, sprečavanje i sankcionisanja svakog vida ponašanja kojima se narušava dignitet kompleksa Slana Banja, odnosno ponašanja i djelovanja ne primjerenom, ne primjerenih memorijalnom karakteru i samoj namjeri kompleksa.

NATAŠA PERIĆ

Dobro. Hvala vam Melisa.

Ima li potrebe da se pročitaju izvještaji komisija?

(vijećnik Selma Čatibušić govori bez uključenog mikrofona op.a.). Samo onda obratite pažnju. Nemojte na telefonu, vi koji tražite. (SELMA ČATIBUŠIĆ - Ne sikirajte se vi). Ne sikiram se ja. Ako tražite, onda slušajte. (SELMA ČATIBUŠIĆ - Predsjedavajuća, molim da ne vodite računa o tome šta ja radim). Vodim računa zato što je neozbiljno da tipkate po telefonu. (SELMA ČATIBUŠIĆ - Ovdje ja ne remetim Gradsko vijeće to ću uraditi). Slađana pročitajte. Niste dobili riječ.

SLAĐANA KRAJINA – sekretar Gradskog vijeća Tuzla

Prijedlog odluke o izmjenama odluke o komunalnom redu razmatrale su Komisija za statutarna pitanja i propise i Komisija za komunalne poslove i pitanja mjesnih zajednica.

Izvještaj Komisije za statutarna pitanja i propise od 29.05.2024. godine, Komisija za statutarna pitanja i propise je razmatrala Odluku o izmjenama Odluke o komunalnom redu, te je usvojila sljedeći

ZAKLJUČAK

Komisija za statutarna pitanja i propise je razmatrala i prihvata Odluku o izmjenama Odluke o komunalnom redu, te istu upućuje Gradskom vijeću Tuzla na razmatranje i izjašnjavaње.

Izvještaj Komisije za komunalne poslove i pitanja mjesnih zajednica sa sjednice održane 28.05.2024. godine, Komisija za komunalne poslove i pitanja mjesnih zajednica je razmatrala Odluku o izmjenama Odluke o komunalnom redu, te je usvojila sljedeći

ZAKLJUČAK

Komisija za komunalne poslove i pitanja mjesnih zajednica je razmatrala i prihvata Odluku o izmjenama Odluke o komunalnom redu, te istu upućuje Gradskom vijeću Grada Tuzla na razmatranje i usvajanje.

NATAŠA PERIĆ

Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

(SELMA ĆATIBUŠIĆ – Poslovnička). Izvolite.

SELMA ĆATIBUŠIĆ

Samo me interesuje na osnovu koje tačke Poslovnika vi meni možete da sugerišete da ne gledam u telefon il da ne gledam gdje mi je volja? Ako možete mi samo to reć, koja tačka? (NATAŠA PERIĆ - Pa mogu. Dužni ste da slušate). Pa, dobro. Koja tačka je dužna da slušam na osnovu pravilnika? Koji član? (NATAŠA PERIĆ - Naću ja vama). Da slušam? Dobro. A kako vi...(NATAŠA PERIĆ – Naćiću. Naćiću). Interesuje me. Samo još jedno. (NATAŠA PERIĆ – Nije problem. Dužni ste da pratite sjednicu vijeća. Eto. Jel dovoljno?). Ja kao što vidim pola vijećnika nije u gradskoj sali. (NATAŠA PERIĆ - Neka. Ima dovoljno). Odnosno u sali Gradskog vijeća. (NATAŠA PERIĆ - Po Poslovniku ima dovoljno. Imamo kvorum). Na osnovu čega ste vi utvrdili da ste vi skonce...više skoncentrisani na Gradsko vijeće od mene? (NATAŠA PERIĆ - Molim vas ja nisam ovdje ni na kakvom ispitivanju). Tražila sam poslovničku. Daj mi recite koji član i to je to?

NATAŠA PERIĆ

Dajem pauzu 10 minuta. (Pauza).

Nastavljamo sa radom.

Izvolite Selma. Tražili ste poslovničku. (SELMA ĆATIBUŠIĆ – Da). Izvolite.

SELMA ĆATIBUŠIĆ

Ništa. Samo sam tražila na osnovu kojeg člana Poslovnika ja moram da slušam sjednicu?

NATAŠA PERIĆ

A ja vas pitam pošto ste vi meni postavili pitanje, na osnovu kojeg člana ste vi meni postavili pitanje, obzirom član 74. vijećnik koji dobije riječ u vezi poslovničke obavezan je da precizno i konkretno navede odredbu poslovnika za koju smatra da je prekršena i ne može poslovničku intervenciju. Pa evo vi meni odgovorite, pa ću ja vama.

SELMA ĆATIBUŠIĆ

Prekršen je poslovnik zato što ste...

NATAŠA PERIĆ

Pa evo koja tačka?

SELMA ĆATIBUŠIĆ

Ne postoji tačka. To je fazon.

NATAŠA PERIĆ

Pa eto nemojte molim vas. Onda nisam prekršila.

SELMA ĆATIBUŠIĆ

Ta tačka ne postoji.

NATAŠA PERIĆ

Pa nisam prekršila.

SELMA ĆATIBUŠIĆ

Evo Anel zna to pravno pravilo. Ono što nije zakonom ne postoji.

NATAŠA PERIĆ

Ne znam. Nisam pravnik.

Nastavljamo sa radom. Dokle smo došli? (ĆERIM RASTODER – Tačka tri). Dobro. Tačka tri. Izvještaji komisija. Jesul pročitani? Dobro.

Otvaram raspravu klubova vijećnika.

Zatvaram raspravu klubova vijećnika.

Otvaram raspravu vijećnika.

Zatvaram raspravu vijećnika.

Stavljam na izjašnjavanje ODLUKU O IZMJENAMA ODLUKE O KOMUNALNOM REDU i molim vijećnike da se izjasne.

Glasanje je okončano.

Konstatujem da je ODLUKA O IZMJENAMA ODLUKE O KOMUNALNOM REDU usvojena sa,

23 glasa za, nije bilo protiv i nije bilo suzdržanih.

Prelazimo na četvrtu tačku:

RAZMATRANJE I USVAJANJE ODLUKE O USVAJANJU KONAČNE RANG LISTE KANDIDATA ZA IZDAVANJE U ZAKUP STANOVA U VLASNIŠTVU GRADA TUZLA I STANOVA NA KOJIMA GRAD TUZLA IMA PRAVO RASPOLAGANJA

Predlagač i obrađivač: Drugostepena komisija za provođenje Javnog oglasa za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja.

Materijal su razmatrali: Komisija za statutarna pitanja i propise, Komisija za ekonomske odnose i klubovi vijećnika.

Ima li potrebe za uvodnim izlaganjem? (SELMA ĆATIBUŠIĆ – Da).

Molim ispred službe...Molim predsjednicu drugostepene komisije. Izvolite. Amela Zaimović. Jeste. Izvolite. Ukratko molim vas. (SLAĐANA KRAJINA – Je li uključen mikrofon?).

AMELA ZAIMOVIĆ - Stručni savjetnik za imovinsko - pravne poslove u Službi za geodetske i imovinsko - pravne poslove

Ja mislim da jeste, jeste. Poštovana predsjedavajuća, vijećnici, ja vas pozdravljam. Evo vezano za ovu tačku dnevnog reda. Znači, radi se o odluci, odnosno prijedlogu na usvajanje konačne rang liste kandidata koji su aplicirali i ostvarili po kriterijima pravo na zakup stanova, koji su u vlasništvu Grada Tuzla i nad kojima Grad Tuzla raspolaže.

Dakle, shodno odluci Gradskog vijeća o zakupu navedenih stanova i na osnovu kriterija i mjerila za ostvarivanje prava aplikanta koji su aplicirali na ovaj oglas koji je objavljen u Službenom glasniku, prvostepena komisija, dakle, koje je imenovao gradonačelnik Grada Tuzle je nakon provedene procedure i bodovanja, sačinila preliminarnu rang listu svih podnosioca ovih prijava.

Na preliminarnu listu prvostepene komisije uloženo je 25 prigovora. Mogla bih da kažem da je ukupno bilo 125 aplikanta, 51 aplikacija je bila nepotpuna i dakle kao što rekoh bilo je 25 prigovora. Nakon što su došli prigovori na drugostepenu komisiju, drugostepena komisija je dakle izvršila uvid u bodovanje svih kandidata koji su se nalazili na preliminarnoj rang listi i utvrdila da ni jedan prigovor nije bio osnovan.

Znači, što se tiče kriterija za aplikante koju je utvrdilo Gradsko vijeće prema tim kriterijima, znači, nije bilo grešaka u bodovanju aplikanta. I naknadno je komisija još jednom izvršila uvid u bodovanje, te je uočena greška u bodovanju kod jednog aplikanta gdje je samo, znači, tu došlo do korekcije ove preliminarne rang liste.

I to je ta znači konačna rang lista (NATAŠA PERIĆ – Dobro. U redu) na osnovu drugostepene komisije. (NATAŠA PERIĆ – Dobro. Hvala vam gospođo). Jel to to?

NATAŠA PERIĆ

To je to.

Da li ima potrebe da se pročitaju izvještaji komisija? (SELMA ĆATIBUŠIĆ – Da).

Molim sekretara da pročita izvještaje komisija.

SLADANA KRAJINA – sekretar Gradskog vijeća Tuzla

Prijedlog odluke o usvajanju Konačne rang liste kandidata za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja razmatrali su Komisija za staturna pitanja i propise i Komisija za ekonomske odnose.

Izveštaj Komisije za staturna pitanja i propise sa sjednice održane 29.05.2024. godine, Komisija za staturna pitanja i propise je razmatrala Odluku o usvajanju Konačne rang liste kandidata za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja, te je usvojila sljedeći

ZAKLJUČAK

Komisija za staturna pitanja i propise je razmatrala i prihvata Odluku o usvajanju Konačne rang liste kandidata za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja, te istu upućuje Gradskom vijeću Tuzla na razmatranje i izjašnjavanje.

Izveštaj Komisije za ekonomske odnose sa sjednice održane 28.05.2024. godine, Komisija za ekonomske odnose je razmatrala i prihvata Odluku o usvajanju Konačne rang liste kandidata...razmatrala Odluku o usvajanju Konačne rang liste kandidata za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja, te je usvojila sljedeći

ZAKLJUČAK

Komisija za ekonomske odnose je razmatrala i prihvata Odluku o usvajanju Konačne rang liste kandidata za izdavanje u zakup stanova u vlasništvu Grada Tuzla i stanova na kojima Grad Tuzla ima pravo raspolaganja, te istu upućuje Gradskom vijeću Tuzla na razmatranje i usvajanje.

NATAŠA PERIĆ

U redu. Hvala.

Otvaram raspravu klubova vijećnika.

Vijećnica Selma Čatibušić ispred Kluba Platforme za progres. Izvolite.

SELMA ČATIBUŠIĆ

Što se tiče ove tačke dnevnog reda, obzirom da sam se bavila ovim stanovima, drago mi je opet ponavljam da je raspisan javni poziv, čini mi se prvi put ako ne griješim, al mislim da jeste prvi put u nekoj skorašnjoj historiji grada Tuzle.

Što se tiče samog javnog poziva, ja sam dobila informacije da je bilo dosta prigovora. Nadam se da je komisija sve to uvažila i da je na pravi i pravičan način je li da su dodijeljeni ovi stanovi. Ono što me raduje jeste što vidim dva tri slučaja za koje lično znam da su zaista u potrebi. Ne znam uglavnom većinu ljudi iskreno, da budem iskrena, ali evo za ove neke ljude mi je svakako drago što su dobili pravo na najam samog stana u vlasništvu Grada Tuzle.

Ono što me zanima od strane službi, a mogu mi dostaviti i pismeno, to je da li trenutno ima bilo koji prazan stan? Čak i stanovi koji bi trebali biti prazni zbog slučajeva readmisije, ne znam kako se to kod nas sad trenutno vodi. Voljela bih da znam i šta se dešava u tim slučajevima.

Još jednom Klub vijećnica Platforme za progres će podržati, ovaj, ovu tačku dnevnog reda, jer nekako možemo s pravom reći da smo se posebno bavili upravo stanovima u vlasništvu Grada Tuzle. Doduše i garažama i drugim nekim prostorima. Ali ponosne smo na to što je eto u okviru našeg mandata raspisan konačno javni poziv.

Ono što također imam informaciju preko svog posla jeste da dosta problema za ljude koji su svakako u potrebi, al to je uopšteno problem na nekom državnom nivou, obzirom treba da se radi o izmjenama i dopunama Zakona o prebivalištu Bosne i Hercegovine, da je najviše problema bilo vezano za to da ne znam ljudi koji su godinama ovdje, nemaju prebivalište, odnosno adresu je li u gradu Tuzla, iako se tu nalaze dosta djece iz Doma i slično.

Nadam se da ćemo u budućnosti svi zajedno ići nekim putem izmjene i dopune ovog Zakona koji je zaista, neke njegove tačke dnevnog reda nisu u skladu ni sa međunarodnim aktima poput Evropske Konvencije, Konvencije o pravima djeteta, gdje se nažalost dosta često najviše marginalizirane grupe uopšte ne prepoznaju u pravnom sistemu, odnosno nevidljive su, zbog prebivališta, samim tim ne mogu ostvariti neka svoja osnovna, socijalna i ekonomska prava. Djeca nisu upisana u matične knjige i slično, tako da eto to je još neka digresija koja je svakako vezana za ovu tačku dnevnog reda, jer su mnogi odbijeni upravo zbog adrese prebivališta. Eto. Hvala.

NATAŠA PERIĆ

U redu. Hvala. Vijećnik Nedžad Jusić ispred Kluba nacionalnih manjina. Izvolite.

NEDŽAD JUSIĆ – nezavisni vijećnik iz reda nacionalnih manjina

Hvala. Poštovana predsjedavajuća, poštovane kolege i kolegice i drugi, želim da vas pozdravim i evo današnja sjednica Gradskog vijeća i nadam se i naredne sjednice Gradskog vijeća da će se fokusirati za dobrobit građana Grada Tuzle i ja sam siguran u tome da smo mi svi vijećnici ovdje da poboljšamo stanje i položaj građana grada Tuzle i ne mislim ni u jednom momentu da netko ovdje radi nešto mimo dobrobiti građana grada Tuzle.

Između ostalog, ovo evo imamo odluku o usvajanju Konačne rang liste kandidata za izdavanje u zakup stanova u vlasništvu Grada Tuzle i stanova na kojima Grad Tuzla ima pravo raspolaganja. Ne mogu govoriti o samim kandidatima, odnosno osobama, porodicama koji će u narednom periodu dobiti u zakup pomenute stanove. Ja sam siguran u tome da je komisija pravično pregledala svaki zahtjev, svaku prijavu i donijela konačnu listu koju ćemo nadam se danas usvojiti jednoglasno.

S druge strane, takođe bi predložio ovo što je kolegica malo prije rekla, ukoliko postoje dodatni stanovi koji su vlasništvo Tuzle, a mogu poslužiti dodatnim porodicama da na neki način dobiju u zakup, da se u što kraćem vremenskom periodu objavi novi javni poziv, normalno ukoliko ima, ovaj, takvih stanova, al s druge strane prema mojim nezvaničnim informacijama takođe da imamo određeni broj stanova koji su vlasništvo Grada Tuzle, al su devastirani. Da pokuša se naći model između ostalog da i te stanove izdamo određenim porodicama koji će te stanove adaptirati, renovirati i ta njihova ulaganja da uđe u kiriju koju trebaju plaćati. I siguran sam u tome da je bolje da te stanove iskoristimo da, jer imamo porodice, imamo koliko je stodvadeset i više, ovaj, aplikantata bilo, a pretpostavljam da ih ima još koji nisu aplicirali i šteta je na kraj krajeva da imamo stanove u vlasništvu Grada Tuzle, da su prazni. Da imamo stanove koji su devastirani, a samo malo ili malo više ulaganja mogu se adaptirati pomenuti stanovi, a da ponovo kažem, vraćam se na početak moje diskusije za dobrobit građana grada Tuzle, da to, ovaj, i uradimo i da dodijelimo i te stanove, ovaj, građanima grada Tuzle.

Hvala. I normalno podržacu ovu odluku.

NATAŠA PERIĆ

U redu. Hvala. Zaključujem. A Zoran. Ok. Vi ste vijećnik. Samo malo. Ispred kluba vijećnika. Jestel vi ispred kluba Zorane? (vijećnik Zoran Jovanović govori bez uključenog mikrofona op.a.). Dobro. Važi. (vijećnik Selma Čatibušić govori bez uključenog mikrofona op.a.). Može. Hajde. Izvolite.

SELMA ČATIBUŠIĆ

Isto tako, ne znam sad koliko su u mogućnosti, al ono što je bilo prethodni problem, ljudi koji koriste ove stanove, evo to je neka uglavnom simbolična cijena za ljude u potrebi, zato su i napravljeni.

Međutim, ono što se mora vodit računa, znam da se vodi svakako računa da li plaćaju tu naknadu za korištenje stana, mislim da službe vode o tome svakako, ovaj, računa. Mislim da je bio prije godinu dana jedan slučaj gdje žena nije ni to plaćala, pa je onda odjednom sve kao platila, ovaj, eto apelujem na gradske službe da se to pravovremeno vodi, da ne bismo dolazili u neke probleme. Ali isto tako sad ne znam kolke su te mogućnosti, ali pogotovo kada je u pitanju Vodovod, Kanalizacija i ova neka naša javna preduzeća. Znalo se desit da se ljudi zaista uvlače u dugove i time stvaraju je li problem i našim javnim preduzećima, dok koriste ovaj stan. Ne znam da li gradske službe imaju ikakve mogućnosti, sad kolko su to lične stvari i slično, da se i o tome povede računa, jer neko ko to koristi, mislim trebao bi voditi računa o tim stvarima da ne bi Grad ulazio u neke dugove i slično.

NATAŠA PERIĆ

Dobro. Hvala.

Zaključujem raspravu klubova vijećnika.

Otvaram raspravu vijećnika.

Vijećnica Esana Kavazbašić Huskanović. Neka se pripremi vijećnik Zoran Jovanović.

ESANA KAVAZBAŠIĆ HUSKANOVIĆ

Ja u principu imam jedno pitanje. Ovaj, dal se nešto radi na proširenju broja tih stanova, fonda, broja stanova u gradu Tuzli? Jer imamo sad situaciju da imamo sve više porodica u nuždi, naročito majki koje su zlostavljane od strane svog partnera i koje nemaju mogućnost nigdje bit. I smatram da ovaj fond koji mi trenutno imamo nije dovoljan da pruži pomoć svim osobama koje u stvari trebaju to. Ne mogu bit na ulici. To je nemoguće.

Ovaj, dal postoji...imam jedan prijedlog. Dal postoji opcija da sad pošto Grad daje urbanističke saglasnosti ovim novim zgradama, da se na primjer, na neki način uslove sve ove novoizgrađane zgrade, da obezbijedi jedan stan od 30 kvadrata. Da na neki način poveća se taj fond grada, pa na kraju krajeva i da mi...da dobiju manje, da plate porez ili neku beneficiju za to, al da se u svakoj novoizgrađenoj zgradi, ne mora to bit velik stan. To može bit 30 kvadrata, 25 kvadrata (NATAŠA PERIĆ – Molim vas malo tišine), al samo da se obezbijedi i da se proširi taj fond. To je prije rata tako bilo. Mislim, ne znam zašto sad ne bi se malo razmislilo o tom prijedlogu. Mislim, vi kao većina da vidite dal postoji opcija za to, jer stvarno toliko ima napuštenih žena koje su zlostavljane, maltretirane, sa djecom i u 90% slučajeva se vraćaju svom zlostavljaču, jer nemaju izbora, nemaju posla, nemaju primanja, nemaju smještaja, nemaju ništa, znači, oni prođu kroz tu Sigurnu kuću, tu...psihološki, dobiju tu psihološku, ovaj, podršku

i to što treba, al u pincipu kad završe to sve dolaze na ulicu, jer to su većinom žene koje nisu zaposlene, pa ne mogu platiti najamninu. Nemaju nikakve druge opcije i onda ponovo s djecom se vraćaju istom tom zlostavljaču. Evo vidite šta se dešava u zadnje vrijeme. Kolko imamo ubistava po gradu i kako se sve dešava. Ja bih vas molila, onaj, da ovo uzmemo kao neki prijedlog, da se malo razmisli o tome, jer to ne mora bit veliki, al svaka, u svakoj stambenoj novoj jedinici kad bi obezbijedili neki stančić od 25, 30 kvadrata, bilo bi dovoljno za ove osobe. Da Grad uslovi ih da moraju to dat, jer oni dobijaju urbanističku saglasnost, onaj, mi im prodajemo tu zemlju i sve ostalo. Da se vidi nešto na taj način. Et. Hvala vam.

NATAŠA PERIĆ

Dobro. Hvala vam Esana. Vijećnik Zoran Jovanović. Neka se pripremi vijećnik Omer Berbić.

ZORAN JOVANOVIĆ – samostalni vijećnik

Zahvaljujem predsjedavajuća. Pozdravljam kolege, potpredsjednika, sekretara vijeća, sve ostale prisutne.

Pratio sam malo ova dešavanja. Vidite, ovo što kaže kolegica...ako je čovjek u stanju socijalne potrebe i ako je u nuždi, onda nema, nema mogućnosti i potrebe da bira. Imamo pojavu da su se pojavili ljudi samo hoće stanove u gradu Tuzla. Ovdje u užem jezgru. Imamo Miladije, imamo znači ove nove zgrade CEB 2, gdje se, gdje samo tu ljudi hoće. A imamo izbjeglička naselja koja su vjerovatno dosad ispražnjena. Imamo Mihatoviće gdje su zidani stambeni objekti sa po dva stana. Imamo Solinu. Imamo Cvjećaru. To je fond Grada Tuzle koje je dobio od humanitarne organizacije, poslije rata za smještaj izbjeglica, od kojih se većina vratila.

I to je, ja ne znam kakva je sudbina sad možda pitanje prema Službi za boračko invalidsku zaštitu, stambena pitanja i povratak. Šta je sa naseljima u Mihatovićima, u Solini i u Cvjećari?

Ovo iz razloga da idemo u ovom pravcu kolegice koja je diskutovala prije mene Elzane, da obezbijedimo dodatni fond stanova, na ovaj način. Ne možemo mi natjerat privatnike. Znači, onda se Grad mora odreći dijela naknade za građevinsku dozvolu za pogodnost lokacije da bi dobio neki stan u nekoj zgradi. Što je opet protuzakonito. Al imamo mogućnost u ovom pravcu da idemo. I nema biranja.

Znači, ono ako vam pripada socijalna naknada tolka i ne možete reći, ja hoću više. Imo sam neki dan priliku da vidim u Kalesiji kad su dijelili ključeve u onoj zgradi tamo CEB 2 projekat, da ljudi neće dvosoban stan, hoće četiri sobe u stanu. A pripada ga po broju članova porodice dvosoban stan. Sjedio sam kod načelnika kad su ljudi dolazili i odbijali hoće četiri sobe kaže. A njih troje. Znači, nije mu nužda. Kome je nužda, ne bira. Uzme ono što mu se da. Normalno da bude u skladu s nekim potrebama i da bude za upotrebu. E u tom pravcu možda da pokušamo ko Vijeće da vidimo...da dobijemo informaciju šta je sa našim objektima u Mihatovićima, Solini i Cvjećari i da možda u nekom narednom periodu neku inicijativu u tom pravcu radimo i da pro... To su stotine stanova tamo. Hvala.

NATAŠA PERIĆ

Dobro. Hvala. Vijećnik Omer Berbić. Izvolite.

OMER BERBIĆ

Hvala ljepo. Ovo je na neki način istorijska odluka Grada Tuzle, jer nakon više desetina godina dobijamo mogućnost da se na javnom konkursu dijele stanovi. Zašto ovo govorim? Zato što se do sada nisu na javnom konkursu dijelili stanovi i postavlja se veliko pitanje, ko živi u tim stanovima? Ja sam ga postavio barem pet puta na Gradskom vijeću. Nikada nisam dobio odgovor. (NATAŠA PERIĆ – Molim vas malo tišine). Evo sada vidimo da dobijamo odgovor. Dobijamo upravo ovu informaciju ko će biti u novim stanovima. Ali još uvijek nema odgovor ko je u postojećim stanovima. I mi smo više puta na ovom Gradskom vijeću diskutovali.

Dobijaju se neke informacije. Dobio sam informaciju bio prije godinu dana da neko ko je dobio gradski stan iznajmljuje dalje drugoj osobi gradski stan. Zamislite vi tog mozga. Ako je to istina. Naravno.

Iz ovog razloga evo ja tražim zaključak Gradskog vijeća da inspekcije izvrše provjere da li postoje gradski stanovi koji zakupci dalje iznajmljuju? Ili na neki način da se izvrše ove provjere, jer takve indicije postoje.

Dalje. Esana je u pravu. Trebamo vidjeti da određeni dio gradskih stanova, njih troje, četvero, možemo dati u zakup nevladinim organizacijama. To u ovoj odluci nije predviđeno i bila je ova odluka na Gradskom vijeću. Nismo se toga sjetili. Prihvata. Treba prihvatit. Znači, nije služba kriva. Mi smo krivi. Ali treba naći način da se određeni dio stanova da određenim nevladinim organizacijama koje se prvenstveno bave šticećenjem žena, žrtava nasilja u porodici. Znači, tu govorimo da se odvoji fond od tri, četiri, pet stanova koji bi se dao na raspolaganje „Viva ženama“ ili nekoj drugoj organizaciji, kako bi žene koje izađu iz Sigurne kuće, mogle imati gdje da odu na neki period od tri, četiri, pet il šest mjeseci, umjesto da se vraćaju zlostavljaču.

Znači, ima puno tih stvari koje se mogu popraviti unutar ove odluke. Ima puno tih stvari koje bi nam se trebale donijeti kao informacija jer je to bio zaključak i to je bilo obećano. A mi još uvijek nismo dobili. (NATAŠA PERIĆ – Molim vas malo tišine).

Takođe sam dobio informacija da je bilo dosta, dosta ljudi koji su se žalili i to je sasvim prirodno, sasvim normalno. Ljudi žele da dođu do gradskog stana, gdje je cijena zakupa puno povoljnija od tržišne cijene koja je 500, 600 maraka. I to je sasvim normalno.

Ali isto tako, i evo ja samo želim da pitam zbog čega mi čekamo evo sad tri, četiri, pet mjeseci od kada se ova odluka donijela, da mi ovo sada usvajamo?

Znači, ovo nije nikakav napad na službu. Ovo je samo informacija koje su meni potrebne da ja mogu okarakterisat svoj glas.

Zbog čega nisam dobio spisak trenu...ljudi koji trenutno žive u gradskim stanovima, jer to nisu ljudi, jedan dio njih jeste, ali određeni dio ljudi nije u stanju socijalne potrebe. I de da vidimo kako ćemo to riješit da bi i te stanove upravo na ovaj javni poziv izdali, kako niko ne bi bio zaknut za svoju šansu da živi u gradskom stanu. To je naša uloga i to je ja mislim naša odgovorna politika ovog Gradskog vijeća koja bi se trebala voditi ubuduće.

Ali u svakom slučaju čestitam službi. Prvi put se radi ovako nešto i ja razumijem da je jako teško napraviti, ovako nešto prvi puta, drugi puta će vjerovatno biti i manji broj žalbi i vjerovatno manji broj vijećničkih pitanja i manji broj komentara.

Ali da smo... da sam ja evo lično potpuno zadovoljan cijelim procesom i kompletnim dijelom kako se ovo napravilo, lično nisam. Ali generalno jesam, jer smatram da je ovo dobar put naprijed, da će se idući puta neke stvari popraviti. Da ćemo napokon doći do jednog kvalitetnog rješenja za, za, za kompletne za sve građane grada Tuzle. Hvala ljepo.

NATAŠA PERIĆ

Hvala vam Omere. Vijećnica Selma Čatibušić. Izvolite.

SELMA ĆATIBUŠIĆ

Ovaj, sad mi je palo na pamet jedna od sugestija, možda i griješim, al iako, drago mi je što postoji sad ovaj dio, o tom smo i govorili. Žrtva nasilja u porodici samo budućnost i sugestija. Možda prijedlog zaključka da vjerujem da se možda gradske službe, onaj, konsultovale sa korisnicima, da se ne navodi žrtva nasilja u porodici koliko je dobila bodova, nego da piše stavka iz poslovnika...stavka iz pravilnika ta i ta, ovaj, jer mislim, na neki način moglo bi se raditi o nekom etiketiranju. Ovako sad da znamo ko je, možda neko ne želi da se te stvari znaju baš ovako javno. Ok, podaci koji moraju biti dostupni donosiocima odluka i to, ali ne ovako sad, da svi mogu vidjeti na stranici, šta ja znam. Eto toliko.

NATAŠA PERIĆ

Dobro. U redu. Hvala.

Zaključujem raspravu vijećnika.

Ja ću sad zamoliti ako se slažete svi koji ste diskutovali, a tražili ste...predlagali ste nešto...imali ste različite prijedloge da ipak ovo u pisanoj formi dostavimo službi da ona odgovori i vezano je i za zaključak ovaj jedan što je bio, da inspekcije ulaze u stan. To nije moguće, zakonski ne ulaze, jel tako inspek...al da vidimo da ipak službe razmotre i da dostave u pisanoj formi svima nama, ako se slažete? I ovaj zadnji zaključak. (SLAĐANA KRAJINA - I da se stručna služba zaduži da izvod iz stenograma dostavi Službi...). Dobro. Jel se slažete da tako bude? (Slažemo). Dobro. U redu. (SLAĐANA KRAJINA - Izvod iz stenograma u dijelu rasprave o ovoj odluci o davanju stanova u zakup da se dostavi Službi za boračko- invalidsku zaštitu, stambene poslove i integraciju raseljenih lica, da dostavi pisane informaciju...). Ne morate vi ništa. (SLAĐANA KRAJINA - Ne treba). Biće u stenogramu. (SLAĐANA KRAJINA - Pisanu informaciju o pitanjima postavljenih tokom rasprave i o prijedlozima). Prijedlozima. Svim prijedlozima. (SLAĐANA KRAJINA - Ako se slažete taj zaključak). Slažemo se.

Stavljam na izjašnjavanje ODLUKU O USVAJANJU KONAČNE RANG LISTE KANDIDATA ZA IZDAVANJE U ZAKUP STANOVA U VLASNIŠTVU GRADA TUZLA I STANOVA NA KOJIMA GRAD TUZLA IMA PRAVO RASPOLAGANJA.

Molim vijećnike da se izjasne.

Glasanje je okončano.

Konstatujem da je ODLUKA O USVAJANJU KONAČNE RANG LISTE KANDIDATA ZA IZDAVANJE U ZAKUP STANOVA U VLASNIŠTVU GRADA TUZLA I STANOVA NA KOJIMA GRAD TUZLA IMA PRAVO RASPOLAGANJA usvojen sa, 24 glasa za, nije bilo protiv i 1 suzdržan.

Dobro. I jedan zaključak. Molim samo zaključak. (SLAĐANA KRAJINA - Rekla sam ga već. Samo da stavite na izjašnjavanje). Ja, ja. Samo o onom zaključku da još.

Glasanje je okončano.

Konstatujem da je pročitani zaključak usvojen sa, 25 glasova za, 1 je bio protiv i 1 suzdržan.

Dajem pauzu od 30 minuta. (Pauza).

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Molim vas da zauzmemo svoja mjesta da nastavimo s radom.

Prelazimo na petu tačku dnevnog reda:

RAZMATRANJE I USVAJANJE:

**a) ODLUKE O IZMJENI ODLUKE O PLAĆAMA UPOSLENIKA GRADSKIH
ORGANA TUZLA**

**b) ODLUKE O IZMJENAMA I DOPUNAMA ODLUKE O NAKNADAMA
UPOSLENICIMA GRADSKIH ORGANA UPRAVE TUZLA KOJE NEMAJU
KARAKTER PLAĆE**

Predlagач ove tačke je gradonačelnik

Obrađivač: Radna grupa za usklađivanjem sa važećim regulativom internih akata Grada kojima su regulisana pitanja plaća i naknada uposlenika

Materijal su razmatrali: Komisija za statutarna pitanja i propise, molim tišine, Komisija za ekonomske odnose i klubovi vijećnika

Da li ima potrebe za uvodnim izlaganjem? (Nema). Nema. Hvala.

Ima li potrebe da se pročita izvještaji komisija? (Nema). Nema. Zahvaljujem.

Otvaram raspravu klubova vijećnika.

Samostalni klub vijećnika gospodin vijećnik Jovanović. Izvolite.

ZORAN JOVANOVIĆ

Zahvaljujem. Evo ja ću iskoristiti priliku ispred svog predsjednika, mislim, da mi neće zamjeriti, kluba.

Pa evo u toku današnjih diskusija često se ponavljala riječ „prvi puta“. I evo ja opet moram konstatovati da je prvi puta koliko ja znam, a bio sam vijećnik 2008., formirana Komisija za usklađivanje propisa sa viših nivoa vlasti sa propisima Grada Tuzle. Prvi puta. I plod rada te Komisije je ova odluka. I, ovaj, moram vam reći stvarno ono bez ikakvog okolišanja i da ispada da se nekome uvlačim da smo sretni što imamo načelnika legalistu. Gradonačelnika.

Ja kao dugogodišnji sindikalac sam pokušavao, zna to moj drug Sead Mustajbašić da ovo prođe, davno, jer je ovo davno predviđeno u Zakonu o zaštiti i spašavanju ljudi i materijalnih dobara povećanje plaće po osnovu uslova rada. Zakon o matičnim knjigama predvidio povećanje.

Međutim, imali smo nekad načelnike koji su sebe smatrali iznad zakona i jednostavno se ovo sve zanemarivali.

I zato hoću samo da pohvalim ovakav način rada gradonačelnika Zijada Lugavića. Čestitam mu.

I ovo nije neki trošak, al ćemo zadovoljiti zaposlenike i stiče se dojam da će se napokon u gradu Tuzla počinje poštivati zakoni koje je neko napisao. Zadovoljan zaposlenik je pola posla urađen. Još jednom čestitam i ne bi dužio. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala vijećniku Jovanović.

Zatvaram raspravu klubova vijećnika.

Otvaram raspravu vijećnika. (ANEL IBELJIĆ – Javio sam se ja za riječ). U ime kluba? (ANEL IBELJIĆ – Da). Izvinjavam se. Izvoli Anele.

ANEL IBELJIĆ – vijećnik Socijaldemokratske partije

Hvala. Ma ja ću samo kratko, evo nadovezat ću se na diskusiju prethodnog kolege. Svakako podržavam i u cjelosti. Pridružujem se. Drago mi je evo što danas donosimo ovu odluku i što ćemo na neki način nagraditi one kojima je zakon omogućio da dobiju određene stimulacije koje svakako idu u prave ruke i svakako podržavam ovu današnju odluku.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala. Sljedeći vijećnik Alić u ime Kluba Tuzlanska alternativa.

MENSUR ALIĆ – vijećnik Tuzlanske alternative

Pa kratko ću, takođe, ovaj, nije ovo nikakva novina...(Mikrofon). Pa ja mislio da me čujete bez mikrofona. Pa nije ništa ovo novo kad je u pitanju rad Gradske uprave dolaskom gradonačelnika Zije Lugavića. Mnoge stvari se mijenjaju. A ovo je samo jedno usklađivanje zakonsko koje je trebalo već davno uraditi i mislim da su dosad bili oštećeni oni koji nisu, oni prema kojima nije primjenjivan Zakon o radu. Ovo se tiče Zakona o radu i mislim da je ovo dobra stvar i čestitam na, ovaj, prijedlogu tačke ovog dnevnog reda i naravno mi ćemo dat podršku kao Tuzlanska alternativa. Hvala lijepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala gospodine Aliću. Replika. Vijećnik Jovanović. Mikrofon. Mikrofon.

ZORAN JOVANOVIĆ

Pa jeste novina. Ovo je prvi puta da se na ovakav način radi na zakonit i legalan način. I za mene je ovo stvarno jedno oduševljenje veliko predstavlja. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala Jovanović. Replika. Vijećnik Alić.

MENSUR ALIĆ

A mislim da ti Zorane nije trebalo uopšte ova replika. Nisi me razumio u potpunosti. Ja sam čovjek koji se bavi ekonomijom. Ne bavim se sindikatom. Hvala lijepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem.

Zatvaram raspravu klubova vijećnika.

Otvaram raspravu vijećnika. Izvoli. Vijećnik Bijedić.

ELVIR BIJEDIĆ – vijećnik Socijaldemokratske partije

Zahvaljujem zamjeniče predsjedavajuće. Ja ću biti vrlo kratak. Dakle, nema potrebe za replikama. Potpuno smo sve razumjeli šta je ko htio da kaže. Zakonsko usklađivanje koje je zaista mislim da itekako ima smisla i kao što je kolega Anel Ibeljić ispred Kluba SDP-a rekao, dakle, ovo itekako ima smisla, pogotovo zato što ovdje kolko vidimo iznos potrebnih dodatnih sredstava je 28.000 maraka i smatram da je to više nego opravdanim za ono što ćemo dobiti u, ovaj, u konačnici kao odgovor od ljudi koji će biti na ovaj način, ovaj, dodatno stimulisani. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem. Ima li još diskutanata?

Zatvaram raspravu vijećnika.

Predlažem da istovremeno glasamo za obje tačke.

Znači, glasamo pod a) za ODLUKU O IZMJENI ODLUKE O PLAĆAMA UPOSLENIKA GRADSKIH ORGANA TUZLA i pod b) ODLUKE O IZMJENAMA I DOPUNAMA ODLUKE O NAKNADAMA UPOSLENICIMA GRADSKIH ORGANA UPRAVE TUZLA KOJE NEMAJU KARAKTER PLAĆA.

Molimo vas da se izjasnite.

Glasanje je okončano. Zahvaljujem.

Konstatujem da su pročitane odluke prošle sa, 25 glasova za, nije bilo protiv, niti suzdržanih.

Idemo dalje.

Tačka šest:

RAZMATRANJE I USVAJANJE:

a) ODLUKE O DAVANJU SAGLASNOSTI UPRAVNOM ODBORU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE DIREKTORA USTANOVE I POD

b) ODLUKE O DAVANJU PRETHODNE SAGLASNOSTI NADZORNOM ODBORU JKP „KOMUNALAC“ D.O.O. TUZLA ZA IMENOVANJA DIREKTORA DRUŠTVA

Predlagač: gradonačelnik Grada Tuzla

Obrađivač: Upravni odbor Javne ustanove za predškolski odgoj „Naše dijete“ i Nadzorni odbor JKP „Komunalac“ d.o.o. Tuzla i Služba za ekonomski razvoj, poduzetništvo i poljoprivredu

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika

Ima li potrebe za uvodno izlaganje? (SELMA ĆATIBUŠIĆ – Ima).

Zamolio bih predlagača u kratkim crtama da nam da uvodno izlaganje po tački a) i b).

SLAĐANA KRAJINA – sekretar Gradskog vijeća Tuzla

Ne može ovdje. Ovdje su različiti, onaj, vi ćete samo za tačku...podtačku a).

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Za tačku a) i b). Vi ste za a). Naravno. Ok, ok. Vrlo kratko, s obzirom da smo dobili sve u materijalu.

AZRA MUHEDINOVIĆ – Predsjednica Upravnog odbora Javne ustanove „Naše dijete“

Evo da se prvo predstavim. Da vas pozdravim, ovaj, vijećnike i moje ime je Azra Muhedinović, predsjednica Upravnog odbora Javne ustanove „Naše dijete“ Tuzla.

Znači, na...nakon razrješenja bivše direktorice, tražili smo saglasnost gradonačelnika, u stvari osnivača Grada za raspisivanje konkursa, raspisali konkurs, na koji su se prijavila tri kandidata. Od ta tri kandidata, nakon toga smo u stvari formirali komisiju koja se sastojala od tri člana iz reda osnivača i dva člana iz reda uposlenika. Nakon što je komisija uradila svoj dio posla, dostavila je Upravnom odboru rang listu i mi smo kao prvorangiranu tražili saglasnost od Grada i dobili smo naravno saglasnost, da u isto vrijeme smo od Pedagoškog zavoda tražili mišljenje za prvorangirano koje je takođe stiglo prvorangirano pozitivno mišljenje i evo sad na Vijeće.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem. Selma, tražite obrazloženje i za tačku b), jel tako? (SELMA ĆATIBUŠIĆ – Naravno). Molim predlagača za Javno komunalno preduzeće „Komunalac“ da nam ukratko da obrazloženje.

JASMINA HASANEFENDIĆ – ŠIMLEŠA - Pomoćnik gradonačelnika Službe za geodetske i imovinsko – pravne poslove

Poštovane vijećnice i vijećnici Gradskog vijeća Tuzla, predsjedavajuća, dopredsjedavajući, sekretar, ja vas danas pozdravljam u ime Nadzornog odbora Javnog komunalnog preduzeća „Komunalac“ d.o.o. Tuzla.

Dakle, članom 14. Odluke o postupku izbora konačnog imenovanja propisano je nadležnost Nadzornog odbora za raspisivanje javnog oglasa i imenovanje direktora Javnog komunalnog preduzeća, Javnog preduzeća, čiji je osnivač Grad Tuzla.

Dakle, Nadzorni odbor Javnog komunalnog preduzeća „Komunalac“ Tuzla je s obzirom da u ovoj godini ističe mandat direktora Javnog komunalnog preduzeća raspisao javni oglas i proveo proceduru po odluci koju sam navela u Statutu Javnog komunalnog preduzeća i Zakona o privrednim društvima Federacije Bosne i Hercegovine.

Imenovana je komisija koja se sastojala od tri člana iz reda osnivača i dva člana iz reda zaposlenika. Nakon što je komisija provela postupak, ocijenila je da je, dakle, i konstatovala da je došla samo jedna prijava na javni oglas i to od aktuelnog direktora. Provela je postupak po kriterijima koje je naravno usvojio i Nadzorni odbor po propisima kako je to i predviđeno i Nadzornom odboru dostavila informaciju o provedenim aktivnostima, odnosno provedenom konkursu i konstatovala da je jedan član koji je bio prijavljen, zadovoljavao sve propisane uslove i u formalnom i u pravnom smislu i predložila, dakle, rang listu.

Nakon toga je Nadzorni odbor je utvrdio rang listu i u skladu sa odlukom dostavio putem resorne službe Gradskom vijeću na davanje, davanje saglasnosti.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem.

Ima li potrebe da se čitaju izvještaji komisija? (Nema). Hvala.

Otvaram raspravu klubova vijećnika pod tački 6.

Vijećnik iz reda...u stvari predsjednik Kluba vijećnika nacionalnih manjina. Gospodin Jusić.

NEDŽAD JUSIĆ

E, hvala. Pa evo imamo po ovoj tački dnevnog reda dvije odluke za davanje prethodne saglasnosti Nadzornom odboru Javnom komunalnom preduzeću „Komunalac“ d.o.o Tuzla za imenovanje direktora Društva i drugu odluku Upravnog odbora takođe Javne ustanove za predškolski odgoj i obrazovanje „Naše dijete“ Tuzla za imenovanje direktora Ustanove.

Ja imam potrebu između ostalog da kažem par riječi vezano o kandidatu koji je predložen za direktora Društva, odnosno Javnog komunalnog preduzeća „Komunalac“ d.o.o Tuzla, gospodina Admira Bećirovića.

Svjesni smo svi, ne samo mi vijećnici nego i građani Grada Tuzle da nam je se grad po mom mišljenju i mnogih građana preporodio kada je u pitanju čistoća, odvoz smeća, uređenje površina, parkova i svih drugih na kraj krajeva onih djelatnosti zašto je zaduženo Javno komunalno preduzeće „Komunalac“ Tuzla i mislim barem po mom mišljenju, nadam se da i većina vijećnika o tome misli, da direktor izuzetno dobro obavlja svoju dužnost i da je ovo normalan nastavak aktivnosti i posljedica takvog njegovog dobrog upravljanja između ostalog Javnom komunalnom preduzeću „Komunalac“ i da nećemo imati nikakve sumnje da direktor nastavi dalje najmanje četiri godine, jel to je u skladu sa zakonom. Ja moram iskren biti između ostalog mi takve direktore i direktorice i druge osobe koji tako kvalitetno rade svoj posao, da imamo ikakvu zakonsku mogućnost, ja bi takve direktore doživotno ostavio na tim pozicijama da upravljaju, ovaj, dalje takvim preduzećima, jel jednostavno to je slika između ostalog kako treba da bude jedan direktor jednog takvog preduzeća i jedne takve ustanove i siguran sam u tome da većina vijećnika i vijećnica će podržati ovu odluku i da će i dalje direktor Admir Bećirović nastaviti sa svojim aktivnostima i sa svojim djelovanjima.

Kad je u pitanju druga odluka vezano Upravnog odbora za predškolski odgoj i obrazovanje „Naše dijete“ Tuzla za imenovanje direktora Ustanove, takođe nemam ništa

protiv. I tu ću odluku podržati i nadam se da će oba direktora, odnosno direktor i direktorica uspješno obavljati svoj posao u narednom periodu.

Ja se nadam da će ovo Gradsko vijeće usvojiti ove dvije odluke. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolega Jusiću. Ima li dalje diskutanata?
Ako nema zaključujem raspravu Klubova vijećnika.
Otvaram raspravu vijećnika. Vijećnik Berbić.

OMER BERBIĆ

Hvala ljepo. Vidimo neke stvari koje se ponavljaju i na žalost u ovom javnom konkursu smo vidjeli da se opet ljudi na intervjuu defakto postavljaju po bodovanju. I opet ću dat zaključak koji sam dao pet puta prije. Gradsko vijeće nalaže da se intervju snima-ju. Intervju se trebaju snimati iz više razloga a prvenstveno je razlog da bi se spriječile bilo kakve političke molverzacije oko zapošljavanja direktora itd. Sad nemojte da, da ovaj, neko to sfati lično. Ne govorim o ovom, ovo nije izolovan slučaj. Možda i vjerovatno će direktorica uradit ozbiljan posao i jako dobar posao u Ustanovi „Naše dijete“ i u prošlom periodu se uradio jako dobar posao ja govorim o načinu imenovanja, kadrovanju itd. To je način koji se meni lično ne sviđa. Ukoliko je neko dobar dajte na ostalim bodovima ovaj, da se to iskaže a ne na intervjuu koji je podložan uvijek kriterijima, mišljenjima itd.

Druga stvar hoću da obrazložim nešto. Ja ne-ću podržati imenovanje direktora „Komunalca“ najvjerovatnije znači. Zbog čega? Vidimo da je grad otkad je došao Lugavić puno čišći, ljepši, bolji, uredniji i tu se stvarno treba skinut kapa to nema govora. To je primjetna razlika i tu ja moram čestitat. Ali odnos sindikata i komunalca je nešto što je prema meni prelomna tačka o ne podržavanju. Kolega Jovanović uputio je bio jedan dopis kojim je definisao, kojim je pitao zbog čega je bio ukor? Jel tako bilo? Zbog čega je bio ukor predsjednika sindikata? Gdje nije do...nije došao pravi odgovor, odnosno onaj odgovor koji je to trebao da dođe jer ljudi se haman u „Komunalcu“ dobijaju ukor radi slobode izražavanja mišljenja i ne slaganja s rukovodstvom. Taj dio se meni ne sviđa. Ukoliko sjednu i naprave zajednički dogovor i dođe se do dogovora koji smo mi ovdje na Vijeću usvojili a tiče se plata itd. kada smo dizali cijenu jer to nam je bio glavni argument za dizanje cijena i govorilo se da se neće VSS-u dizat cijena nego samo NK-a, PK-a itd. to po mojim informacijama se nije desilo i iz tog razloga ja to ne mogu u, u ovom trenutku, govorim u ovom trenutku, najvjerovatnije ne-ću to podržati. Kažem opet moram pohvaliti čistoća se promijenila. To vjerovatno ima veze sa novim gradonačelnikom koji vodi tu vrstu politike to se meni sviđa, ali ovaj drugi dio unutrašnje organizacije mi se ne sviđa. Iz tog razloga moro sam obrazložiti svoja mišljenja. Hvala ljepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem vijećniku Berbiću. Vijećnik Alić.

MENSUR ALIĆ

Zahvaljujem. Evo ja ću o kandidatu KAD JE U PITANJU „KOMUNALAC“ MISLIM DA JE SUVIŠNO BILO ŠTA REĆI. U ova...u ove dvije godine koliko je čovjek odradio posla kada je u pitanju grad Tuzla na čistoći pogotovo i na sve pozive i vijećnika i gradonačelnika i Službi gdje god je trebalo u svakom momentu su se odazivali bilo to subota ili nedjelja.

Unutarnja organizacija samog preduzeća ne bi u to ulazio, mislim da je to posebna priča i da to trebaju rješavati unutra javnog preduzeća a ne i-li da se sindikat se nikad nije odjavio, obratio nama vijećnicima ili Vijeću da traži neku zaštitu ili nešto da je nešto urađeno mimo propisa i zakona u to ne bih ulazio to je stvar organizacije. Mi ćemo naravno dati podršku. Zbog čega ćemo dati podršku direktoru ovome? Ako je veće krenu ovako dobro raditi mislim da je šteta nekog mijenjati ili postavljati novog dok uđe on u ovaj, u ove poslove trebati će mu vremena i vremena. Neka mu izađe ovaj mandat pa posle ćemo vidjeti. Mislim da zaslužuje da ostane, da ostane ovaj, direktor ovog javnog preduzeća.

Što se tiče ove javne ustanove drago mi je da dolazi mlada osoba, mlada osoba i da ima iskustva u tom poslu, već je tu dugo vremena radi i prema tome takođe...A ovaj posao koji ona će raditi ubuduće četiri godine je veoma osjetljiv. To su djeca, tu je ishrana, tu je sve moguće. Ne daj bože da dođe do trovanja, bilo čega to je onda bi tek bilo problema. U pitanju su djeca i to je veoma odgovoran posao. Ja se samo zahvaljujem što je prihvatila da bude direktor ove, ove ustanove. Znači, dati ćemo podršku i za jednu i za drugog. Zahvaljujem.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala vijećniku Aliću. Vijećnica Esana. Neka se pripremi vijećnik...(SLAĐANA KRAJINA – Replika. Replika.) A replika? Izvoli Jovanović.

ZORAN JOVANOVIĆ

Pa moram malo nije ništa lično protiv mog komšije iz Gornje Tuzle ali koliko ja znam Sindikalna organizacija Javnog komunalnog preduzeća „Komunalac“ se obratila pi-sanom podneskom ovom Vijeću da se obrate za ovom govornicom i da je Kolegij odbio njihov zahtjev da se obrate baš u cilju rješavanja problema unutar firme. Zahvaljujem se.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala Jovanoviću. (MENSUR ALIĆ - Replika.) Vijećnik Alić. Replika.

MENSUR ALIĆ

Ja mislim ako si ti Zorane bio na tom Kolegiju zašto to nisi ovaj, tražio ti lično od, od Kolegija, a onda si neozbiljan ne dolaziš na Kolegije redovno, ne dolaziš na Kolegije redovno to je tvoj problem, tvoj problem ovaj, jeste prema tome ulaziti u samu organizaciju nemam ništa protiv neka se obrati sindikat na Gradskom vijeću da je nešto nije po zakonu da ovo Gradsko vijeće će sigurno reći ako bude potrebno, a ako je sve po zakonu tamo to je opet unutarnja stvar organizacije. Ja vodim firmu i znam dobro šta znači sindikat, znam dobro

šta znači uposlenici i znam kako treba prema njima postupati. Zahvaljujem. (ZORAN JOVANOVIĆ – Ispravka krivog navoda.)

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Izvoli Jovanoviću. Ispravka krivog navoda.

ZORAN JOVANOVIĆ

Pa ja znam da Poslovnik predviđa da Kolegiju prisustvuju predsjednici Klubova ili predsjednici Samostalnih vijećnika ili Klubova stranaka a ja nisam predsjednik Kluba i nisam mogao prisustvovati al sam pratio šta se dešava i dobio sam informaciju poslije tog Kolegija.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. (MENSUR ALIĆ – Poslovnička.) Poslovnička. Alić.

MENSUR ALIĆ

Ako nisi član Kolegija onda jeste tvoj kolega ti si dužan da preneseš mu sve što se dešava na Kolegiju ili da on tebi prenese ili na vrijeme da ga upozoriš na što treba obratiti pažnju kad je u pitanju rad Kolegija. Zahvaljuje-m.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala. Molim vas onaj, raspravljamo o Odlukama za imenovanje direktora ja bih vas zamolio vijećnike da se usmjerimo u tom pravcu da ovo ne širimo. Razgovarali smo više puta o ovoj tački pa evo sljedeća za diskusije Esana ako se slažete pa ćemo onda dalje nastaviti?

ESANA KAVAZBAŠIĆ HUSKANović

Ovaj, meni su se obratili članovi sindikata i imali smo jedan razgovor koji je trajao sat i po vremena i bila sam iznenađena koji mobing je prisutan prema nižoj stručnoj spremi. Znači, ti ljudi su toliko ugroženi, toliko malo prava imaju. Stavljaju ih na pozicije za koje nisu ovaj, uopšte nisu sposobni raditi. Insistira se od vozača kamiona koji imaju teške dijagnoze povrede kičme pa daju im automatski, ovaj, sa ručnim mjenjačem skidaju sa automatskog mjenjača, pa od ljudi koji rade na ulici ti kojima mi trebamo danas zahvaliti na ovoj čistoći grada to su ti ljudi koji su na samoj ljestvici platnih listi al koji izuzetno vrhu-niski rade svoj posao. Ja vas molim jednom prođite ulicom i pogledajte te ljude u lice vidjet ćete koliko su umorni i koliko su iscrpljeni. Ti ljudi ra-de za 600 maraka pla-tu, 700 maraka platu a daju svoj maksimum. Ti ljudi imaju svoje po-ro-dice. Mi smo ta-d izglasali povećanje ci-je-ni da bi ti lju-di ima-li bolje uslove za rad i oni su napravili da kao da su im ma-lo povećanje dali u jednoj stavci, al su im to povećanje oduzeli u drugoj stavci tako da ništa nije promjenjeno i ja bi voljela da dozvolimo predstavnicima sindikata da se obrate ovom Gradskom vijeću i da iznesu sve svoje

probleme jer niste uopšte svjesni kakve probleme i kakav mobing trpe od strane ovog is-tog direktora. To su ucjene i ja stojim 100...posle tog razgovora znači, 100%, ne 100% mi-li-on posto iza tih ljudi jer nije u re-du da im se to dešava na poslu što im se dešava. Da ih ucjenjuju, da ih otpuštaju i rade stvari koje rade, to nije u redu. Imamo Visoku stručnu spremu koja je sebi realizirala da im je sve potaman direktori i ostalo, a sve van toga znači, ljudi nemaju od čeg da ži-ve. Jeste vi svjesni toga ti ljudi nemaju od čega da žive? Da svi imaju porodice, da imaju djecu, da dobijaju u-kore nizašto. Ja vas mo-lim da nam do-pu-stite da nam se obra-te lju-di iz sindikata i da ispričaju svoju priču i da ispričaju svoju istinu. Ovo što je nama direktor prošli put ljepu bajku ispričo to nema ve-ze sa realnošću tako da vas molim. Toliko od mene. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala Esana. Naravno svako iznosi svoje stavove i mišljenje. (vijećnik Esana Kavazbašić Huskanović govori bez uključenog mikrofona op.a.) Vijećnik, vijećnik Husić. U redu je.

ŠEFIK HUSIĆ – samostalni vijećnik

Evo ja bih samo da kažem da se slažem onaj, sa jednim, jednoj izrečenoj stvari onaj, ne znam ko je rekao od, od izlagača kolega onaj, da gradonačelnik je stvarno jako puno posvetio pažnji, pažnju onaj, čistoći grada i naravno putem Javnog preduzeća „Komunalac“ svi mi vidimo u, u svojim ulicama znači, da je to izdignuto sigurno za ljestvicu il dvije više. Onaj, ne slažem se sa, sa nekim stvarima ovdje jer je pu-no kompleksnije onaj, imate dvije suprotstavljene strane sindikat, imate menadžment onaj, te ustanove. Menadžment je ovdje iznosio znači, sve činjenice koje su argumentovane, koje su zabilježene u, u skladu sa zakonskim aktima itd. onaj, i ja bi evo ovom prilikom da pohvalim znači, ovo javno preduzeće, da pohvalim znači, ljude koji onaj, se jako puno trude u tom preduzeću da onaj, zapravo grad izgleda ovako kako izgleda. Ništa više. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala gospodine Husiću. Sljedeća Selma, a nek se pripremi vijećnik Hirkić.

SELMA ĆATIBUŠIĆ

Ja ću veoma kratko. Ne bih se složila sa tim, sa dijelom što je naveo kolega Mensur vezano da nas ne interesuje unutrašnja organizacija jer mislim nadležni smo u svakom slučaju Grad je suosnivač i ovog javnog preduzeća i ostalih tako da trebamo se baviti ovaj, i unutrašnjom jel i vanjskom organizacijom, odnosno i vertikalnom i horizontalnom u tom smislu kakav je uopšteno život građana al kakav je i ovaj status, odnosno položaj ljudi koji su zaposleni tu jer su ujedno i oni naši građani. Tako da pošto je to nekako praksa Gradskog vijeća pogotovo Kolegija ja bi predložila da se ova tačka dnevnog reda pomjeri za narednu sjednicu a da bi se eto pošto će i menadžment imao priliku da nam se obrati obrati i sindikat da vidimo u čemu je taj problem čisto eto da bismo mogli ovaj, odlučiti šta i kako, kako na pravi način glasati i tako da eto to bi bio moj zaključak. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem. Replika vijećnik Alić.

MENSUR ALIĆ

Pošto sam prozvan naravno da moram odgovoriti i za svaki moj proziv ću odgovoriti svakome ko nije naravno u pravu.

Ja vas kolegice Selma molim da kad diskutujete imate priliku da diskutuje kad je Izvještaj o ra-du javnog preduzeća tada nikom nije zabranjeno niti bilo šta da, da kaže, nije ni danas zabranjeno. Svako ima pravo i ima svoje mišljenje na koji način rasprave o Izvještaju o radu. Ako oborimo Izvještaj o radu onda je to znak da nije dobro nešto u tom javnom preduzeću a ovdje se bira direktor momentalno. A informacije koje se iznose ovdje da radnici imaju najma...najviše su dobili ra...na prijedlog naš i zaključak naš kad smo raspravili ovdje da smo tražili i to kad je Izvještaj javnog preduzeća tražili smo da se mak-simum poveća najveći, najveće plaće da se povećaju radnicima koji rade fizičke poslove i to je urađeno i to je tako urađeno. Nemojte iznositi neistine molim vas. Zahvaljujem.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem vijećniku Aliću. Replika vijećnica Selma. Molim vas ja bih vas zamolio znači, svako ima pravo da izriče svoj stav i mišljenje. Ne moramo ulaziti u to da li je neko u pravu ili nije. Nek svako iznese svoje na kraju će glasanje pokazati ko će dat podršku tački ko ne. Znači, nije poenta u tome da li se mi slažemo pojedinačno kako je glaso, kako je diskutovo neki vijećnik. Da svi mislimo isto onda ne bi mi bili ovdje tridesetjedan znači, neka iznese svak svoje stavove, svak ima pravo.

Evo izvoli Selma replika al bi zamolio da izbjegnemo ovo individualno ko je šta reko, dal se slažemo ne slažemo iznesite evo i vi ste i predložili da tačku skinemo s dnevnog reda. Glasat ćemo, znači, ništa nije sporno. Sve je okej. Izvolite.

SELMA ĆATIBUŠIĆ

Ovaj, ma ništa meni je samo interesantno kako se baratamo to replika, ispravka krivog navoda i slično a ne znamo šta to znači. Ja ne znam što me je kolega Mensur u kom dijelu nisam spomenula ni pla-te ništa ja sam samo rekla što je kolega spomenuo nije naše da se bavimo sindikatom i unutrašnjom organizacijom, a ja sam rekla da smatram da je naše da se bavimo između ostalog i tog i moja replika je bila u tom dijelu. (ĆERIM RASTODER – Dobro.) E sad kolega je možda htio Esani replicirat pa je pomješao jer ona je bavila se tim dijelom al hajd nije bitno.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Hvala. (MENSUR ALIĆ – Ispravka krivog navoda.) Vijećnik Alić. Ispravka krivog navoda.

MENSUR ALIĆ

Ja sam rekao i stoji fino lijepo da sam rekao da se ras-pra-vlja na Izvještaj o radu javnog preduzeća o ovom stvarima mislim da sam direktan bio i čisto. Ko, ko ne razumije šta sam rekao to je njegov problem. (ĆERIM RASTODER – Dobro.) Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala. Vijećnik Hasanbašić. Poslovnička.

ADMIR HASANBAŠIĆ – vijećnik Tuzlanske alternative

Pa ništa ja bi samo skreno pažnju kolegici Selmi. Usvajanje dnevnog reda (ĆERIM RASTODER – Malo tiše.) je bilo na početku znači, ova tačka ide po dnevnom redu i nema nikakve šanse da se tačka odloži. Hvala. (SELMA ĆATIBUŠIĆ – Replika.) (NATAŠA PERIĆ – Nema replike na poslovničku.) Na poslovničku ne možete davati repliku. Vijećnik Hasib Hirkić. Neka se pripremi vijećnik Kapidžić.

HASIB HIRKIĆ

Zahvaljujem. Evo ja ću pokušat da budem što kraći. S obzirom da mi treba da vodimo računa i o preduzeću i o upravnom i nadzornom odboru i o svim zaposlenim u svim preduzećima gdje je osnivač ili suosnivač Grad Tuzla osvrnut ću se na jedan bitan detalj. Bar većina. Neću reći da su svi bili al većina je bar bila kad je i sindikat prisustvovao jednom zajedničkom sastanku a pitanje je bilo povećanja cijena usluga šta podrazumijeva i na koji način treba da se to sprovede? To smo završili na način onako kako smo završili. Posle toga su se svi krili iza nekih dopisa al niko nije lično došao ovdje i tražio neku, neko obrazloženje ili pomoć. Gledajući na ovu tačku dnevnog reda mogu reći da imali su priliku i ti ljudi iz sindikata da nekog kandiduju ako imaju kandidata pa da se na taj način pokušamo na neki način onaj, ili okrenuti jednoj ili drugoj strani po pitanju toga i da snaga argumenata pobijedi a s obzirom da imamo jednog kandidata prijavljenog ja ne vidim razloga uopšte da mi trebamo bi-lo o čemu dalje raspravljati jel je Gradsko vijeće da-lo svoje. Zadnji sud je bio da se poskupi odvoz ili naplata smeća. Završili smo to. Ostalo je unutrašnja organizacija preduzeća i kako se i na koji način to sprovodi. Mi kao Gradsko vijeće treba samo da budemo jednim izvještajem obaviješteni i da postupimo ukoliko ima neke nepravilnosti. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala vijećniku Hirkiću. Vijećnik Kapidžić.

ALEN KAPIDŽIĆ – vijećnik Socijaldemokratske partije

Hvala. Ma ne bi ja nešto diskutovo što se tiče ovog poskupljenja cijena znači moj stav se zna ja sam i kad je bila ta tačka dnevnog reda onaj, diskutovo na tu temu i zna se stav ali kako svi govorimo ne bi da se miješamo u unutrašnju organizaciju preduzeća tu je naša

nadležnost a čim dajemo novac za preduzeća znači, mijenjamo miješamo se mi u unutrašnju organizaciju preduzeća i te kako ali to definitivno nije tema ovog.

Znači, ja imam samo jedno pitanje u vezi ova dva oba izvještaja. Evo ko će odgovorit? A više je vezano i za ovaj izvještaj u stvari za, za ODLUKU O DAVANJU PRETHODNE SAGLASNOSTI ZA IMENOVANJE DIREKTORA JKP „KOMUNALAC“. Nadam se da ćete napraviti neku pauzu. O tom ću dobro razmislit. Ova druga odluka to ću podržat sigurno. Al me interesuje ovaj, jedna stvar:

Ovdje kad gledamo bodovanje kandidata u odluci gdje se daje saglasnost nadzornom odboru za imenovanje direktora društva JKP „Komunalac“ je uzet u obzi...ili bodovan stepen obrazovanja gdje piše u tabeli magistar bo...1,05 bodova a u dru-gom ovom gdje, gdje...Govorim o Javnoj ustanovi „Naše dijete“ mi imamo tri kandidata tu je, tu nije bodovan magistarski. Znači, nivo obrazovanja ili stepen obrazovanja Magistar nauka nije bodovan kod jednog kandidata. Uzimam za sebi za pravo da ne poznajem baš najbolje ovo jel ali evo želim da mi se to odgovori jel to, jel to okej, jesu, kakvi su kriteriji jel nisam ni upoznat kakvi su kriteriji bili na konkursu ali evo ako ima neko ispred ovaj, Komisije da mi odgovori na to pitanje? Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem. Vijećnik Jovanović.

ZORAN JOVANOVIĆ

Pa evo ja sam jednom diskutovao u vezi ove u vezi (ĆERIM RASTODER – Dobro imate pravo još jednom.) akademskog, Akademskog zvanja magistar. Akademsko zvanje magistar ili doktor nauka nije uslov za, za, za imenovanje na ovu poziciju. Ja mislim da je konkurs glasio Visoka stručna sprema i ne možemo bodovat magistra kad nije to u-slov. To su Akademski zvanja koja ne, ne predstavljaju nikakvu stepenicu i prepreku u zapošljavanju i to ne možemo bodovati ljudi moji.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Hvala Jovanoviću. Kapidžić je tražio neko od predstavnika nadzornog odbora (NATAŠA PERIĆ – Replika ima.) da da odgovor ali evo replika Kapidžić. I molim vas da ne ulazimo dalje. Evo imamo ovdje predstavnike nadzornih odbora. Možda u jednom preduzeću...

ALEN KAPIDŽIĆ

Znači kolko ja znam, kolko ja znam to ima veze ali vidi ja nisam tražio odgovor od vijećnika mene interesuje da neko izađe ispred, ispred Komisije (ĆERIM RASTODER – Dobro.) i da mi obrazloži ovo evo. (ĆERIM RASTODER – Dobro.) I nemam ja nikakav problem da ovo podržim al, (ĆERIM RASTODER – Dobro.) al me interesuju te stvari.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Hvala. Evo predstavnik resorne Službe ili neko od nadzornih odbora može, može da da odgovor pa ćemo...(NATAŠA PERIĆ – Zaključite raspravu.) Naravno. Rasprava je zaključena. Pa vrlo kratko.

**ASMIRA ISLAMOVIĆ - stručni savjetnik za upravno
rješavanje i registracije djelatnosti
– ispred službe za ekonomski razvoj,
poduzetništvo i poljoprivredu -**

Dobar dan svim prisutnim. Ja sam Asmira Islamović ispred Komisije koja je provela ove konkurse koji su bili u toku. Kad su u pitanju kriterije znači, isključivo kad je u pitanju rad Komisije postupa po zakonskim, odnosno zakonskim i podzakonskim propisima. U konkretnom slučaju kada je u pitanju izbor direktora „Komunalca“ Komisija je postupala u skladu sa utvrđenim kriterijima (vijećnik Alen Kapidžić govori bez uključenog mikrofona op.a.) Pravim vam paralelu ja i jedno i drugo znači, i ustanova i preduzeće i jedno i drugo u ovamo kod „Naše djete“ Upravni odbor vam je donjeo Odluku o utvrđenim kriterijima. Kad je u pitanju „Komunalac“ isto tako Nadzorni odbor je donjeo odluku i jedna i druga u skladu sa zakonskim, odnosno zakonom o ministarskim...(ĆERIM RASTODER – Dobro. U redu.) Ja.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem. Prije nego što pređemo na glasanje napraviti ćemo pauzu 5 minuta. (Pauza.)

NATAŠA PERIĆ

Molim vijećnike da uđu u salu nastavljamo sa radom.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Nastavljamo dalje sa radom.

Prije nego što pređemo na glasanje po tački šest (NATAŠA PERIĆ – Molim vas malo tišine.) tokom diskusije vijećnica Selma je predložila da se sa današnjeg Vijeća povuče tačka

b) ODLUKA O DAVANJU PRETHODNE SAGLASNOSTI NADZORNOM ODBORU JKP „KOMUNALAC“ D.O.O. TUZLA ZA IMENOVANJE DIREKTORA DRUŠTVA. Molimo, molim vas da se izjasnimo po njenom prijedlogu. (vijećnik Omer Berbić govori bez uključenog mikrofona op.a.) Da se odloži da. Da se odloži imenovanje danas. (SLAĐANA KRAJINA – Glasa se o odlaganju. Glasa se o odlaganju.) Znači, da glasamo da il ne. (SLAĐANA KRAJINA – Glasa se o odlaganju tačke.) Glasanje okončano. (NATAŠA PERIĆ – Nije Zoran glaso poništi, poništi.) Hajmo ponovo. Hajo ponovo. Glasanje okončano.

Konstatujem da navedeni prijedlog vijećnice Selme Ćatibušić nije prošao,

4 glasa su bila za, 18 protiv i 3 suzdržana.

Sada prelazimo na glasanje prvo ćemo tačku a) a potom tačku b) (vijećnik Omer Berbić govori bez uključenog mikrofona op.a.) (NATAŠA PERIĆ – Pa nismo do zaključka došli.) Bit će zaključak na kraju. Ide na kraju. Okej. (vijećnik Omer Berbić govori bez uključenog mikrofona op.a.) Odvojeno sada glasamo. (SLAĐANA KRAJINA – Različiti obrađivači mora odvojeno.) Znači, prvo glasamo za tačku e) Odluka o davanju saglasnosti...

Tačku a) ODLUKU O DAVANJU SAGLASNOSTI UPRAVNOM ODBORU JAVNE USTANOVE ZA PREDŠKOLSKI ODGOJ I OBRAZOVANJE „NAŠE DIJETE“ TUZLA ZA IMENOVANJE DIREKTORA USTANOVE. Molimo vas da pristupimo glasanju. (SELMA ČATIBUŠIĆ – O ja se izvinjavam greška.) Ponovo ćemo. Malo koncentracije. Glasanje je okončano.

Konstatujem da je navedena odluka sa 24 glasa prihvaćena, nije bilo protiv niti suzdržanih. (MERIMA SOFTIĆ SPREČIĆ – Morate ponoviti glasanje.) Ko nije glasovao? (MERIMA SOFTIĆ SPREČIĆ – Ja.) Zašto? (vijećnik Selma Čatibušić govori bez uključenog mikrofona op.a.) Pa koncentracije svima Selma ja nisam naglasio vama. Znači, ponoviti ćemo ponovo. Tiš...Molim vas tiše.

Konstatujem da je navedena odluka dobila podršku 25 vijećnika, nije bilo protiv ni suzdržanih.

Pristupamo glasanju po tački b) ODLUKE O DAVANJU PRETHODNE SAGLASNOSTI NADZORNOM ODBORU JKP „KOMUNALAC“ D.O.O. TUZLA ZA IMENOVANJE DIREKTORA DRUŠTVA. Glasanje okončano.

Konstatujem da je navedena odluka dobila podršku sa 21 glasom, nije bilo protiv uz 4 glasa suzdržana.

Prije nego što pređemo na sljedeću tačku molim sekretara da pročita zaključak vijećnika Berbića koji je proizašao iz diskusije.

SLAĐANA KRAJINA – sekretar Gradskog vijeća Tuzla

Prijedlog zaključka Gradskog...

- Gradsko vijeće Tuzla nalaže da se intervjuji sa kandidatima za imenovanja snimaju.

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik –

Molimo vas da pristupimo...Glasanje okončano.

Konstatujem da pročitani zaključak nije dobio podršku,
4 vijećnika su bila za, nije bilo protiv i 21 je bio suzdržan.

Prelazimo na sedmu tačku...(vijećnik Omer Berbić govori bez uključenog mikrofona op.a.) Nije to bio zaključak. (SLAĐANA KRAJINA – Ne znam. Ne, ne ja sam razumila da se odloži dok se sindikat...il kako ne mogu se...) To je bilo općenito diskusija al nije naglašen kao zaključak. Idemo dalje. (vijećnik Esana Kavazbašić Huskanović govori bez uključenog mikrofona op.a.) (NATAŠA PERIĆ – Nemojte dobacivat.) (vijećnik Esana Kavazbašić Huskanović govori bez uključenog mikrofona op.a.) (NATAŠA PERIĆ – Al niste tražili zaključak. Niste rekli da predlažete za...(vijećnik Esana Kavazbašić Huskanović govori bez

uključenog mikrofona op.a.) (NATAŠA PERIĆ - Nije šta god. Morate reći predlažem zaključak.) (vijećnik Esana Kavazbašić Huskanović govori bez uključenog mikrofona op.a.) (NATAŠA PERIĆ - Ne možete sad diskusija je završena.)

Sledeća tačka razma...Pod **a) RAZMATRANJE INFORMACIJE O PROVEDENOM POSTUPKU PO JAVNOM OGLASU ZA IZBOR PREDSEDNIKA I ČLANOVA UPRAVNOG ODBORA JAVNE USTANOVE TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA I POD**

b) RAZMATRANJE I USVAJANJE ODLUKE O PONIŠTAVANJU JAVNOG OGLASA ZA IZBOR I IMENOVANJE PREDSEDNIKA I ČLANOVA UPRAVNOG ODBORA JAVNE USTANOVE TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA

Predlagač ove tačke je gradonačelnik.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo i klubovi vijećnika.

Da li ima potrebe za uvodno izlaganje. (SELMA ĆATIBUŠIĆ – Da.)

Molim predlagača da nas kratko informiše i da uvodno izlaganje. Gospodin Žigić Jusuf. S obzirom da smo mi to Žigiću dobili u pisanoj formi vrlo kratko (JUSUF ŽIGIĆ – Ma ja kratko evo.) kroz rečenicu dvije.

**JUSUF ŽIGIĆ - stručni savjetnik za upravno rješavanje i pravne poslove
– ispred službe za ekonomski razvoj, poduzetništvo i poljoprivredu -**

Evo. Sve vas srdačno pozdravljam. Vjerovatno ste upoznati sa i zakonskom odredbom da se nadzorni upravni odbori biraju istovremeno svi članovi na mandatni period od 4 godine. U ovom slučaju imali smo jednog člana koji ni u kom slučaju ne može bit upravni odbor i ne bi mogu ni sazivat sjednice ne bi postojio i u tom slučaju prijedlog je bio Komisije jednoglasno da se ovaj javni poziv poništi i ponovo će se vjerovatno raspisat gdje će se viši član...Bile su dvije prijave, međutim jedna prijava je taj kandidat je bio u sukobu interesa te nismo mogli razmatrat tu prijavu.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik -**

Hvala. Hvala gospodine Žigiću.

Imal potrebe da se pročitaju izvještaji Komisija? (SELMA ĆATIBUŠIĆ – Ima.)

Molim sekretara da ukratko pročita izvještaje komisija.

SLAĐANA KRAJINA – sekretar Gradskog vijeća Tuzla

Ove dvije podtačke razmatrale su Komisija za statutarna pitanja i propise ona je pod b), Komisija za ekonomske odnose i Komisija za poduzetništvo.

IZVJEŠTAJ SA KOMISIJE ZA STATUTARNA PITANJA I PROPISE OD 29. 05.

Komisija za statutarna pitanja i propise je razmatrala Odluku o poništavanju javnog oglasa za izbor i imenovanje predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te je jednoglasno usvojila sljedeći:

ZAKLJUČAK

Komisija za statutarna pitanja i propise je razmatrala i prihvata Odluku o poništavanju javnog oglasa za izbor i imenovanje predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te istu upućuje Gradskom vijeću Tuzla na razmatranje i izjašnjenje.

DRUGA JE KOMISIJA ZA EKONOMSKE ODNOSI

Komisija za ekonomske odnose je razmatrala pod

a) Informaciju o provedenom postupku po javnom oglasu za izbor predsjednika i članova upravnog odbora Javna ustanova Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla i pod

b) Odluku o poništavanju javnog oglasa za izbor i imenovanje predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te je usvojila sljedeći:

ZAKLJUČAK

Komisija za ekonomske odnose je razmatrala i pod

a) prima k znanju Informaciju o provedenom postupku po javnom oglasu za izbor predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te istu upućuje Gradskom vijeću Tuzla na razmatranje i pod

b) prihvata Odluku o poništavanju javnog oglasa za izbor i imenovanje predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te istu upućuje Gradskom vijeću Tuzla na razmatranje i usvajanje.

I KOMISIJA ZA PODUZETNIŠTVO

Komisija za poduzetništvo je razmatrala pod

a) Informaciju o provedenom postupku po javnom oglasu za izbor predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla i pod

b) Odluku o poništavanju javnog oglasa za izbor i imenovanje predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te je usvojila sljedeći:

ZAKLJUČAK

Komisija za poduzetništvo je razmatrala i prihvatila Informaciju o provedenom postupku po javnom oglasu za izbor predsjednika i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla i Odluku o poništavanju javnog oglasa za izbor i imenovanje predsjednika

i članova upravnog odbora Javne ustanove Tuzlanska razvojna agencija „TRAG“ Tuzla – Development agency „TRAG“ Tuzla, čiji je osnivač Grad Tuzla, te ih upućuje Gradskom vijeću Grada Tuzla na razmatranje i usvajanje.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem sekretaru.

Otvaram raspravu Klubova vijećnika. Platforma za progres i predsjednik Kluba Selma Ćatibušić. Predsjedni-ca. Izvolite Selma.

SELMA ĆATIBUŠIĆ

Ništa samo me interesuje o kakvom sukobu interesa se radi?

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem. Na kraju ćete dobit odgovor ako bude još vi gospodine Žigiću il ko je već nadležan tu. Pišite pitanja. Dobro.

Ima li još Klubova vijećnika? Nema.

Zatvaram raspravu Klubova vijećnika.

Otvaram raspravu vijećnika. Vijećnik Kapidžić.

ALEN KAPIDŽIĆ

Hva-la. Ja sam čitajući ovu informaciju i odluku Komisije koja je...odluku koja je predložena da je usvojimo i informaciju Komisije interesuje me i tra-žeći ovo Zakon o ministarskim vladinim i drugim imenovanjima član 8. uopšte ne upućuje na ove neke stvari koje mi danas treba da usvojimo. Takođe ni Odluke o postupku izbora i konačnog imenovanja članova organa upravljanja u javnim preduzećima ja nisam bar našao, a interesuje me sljedeće: Po ovoj informaciji od Komisije mi faktički poništavamo konkurs. Interesuje me dal poništavamo i prijavu jedinog kandidata koja je pravno valjana i ako je to tako šta je bio pravni osnov za odbacivanje prijave koja je pravno valjana? Znači, to me interesuje i jel postoji mogućnost da se ovaj kandidat uzme u obzir a da vi raspisete drugi konkurs za popunu preostalih, preostala dva člana upravnog odbora? Jer mi nije jasno, nisam mogao naći šta je pravni osnov da formalno prijavu koja je pravno valjana odbijemo sad. Eto toliko.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem. Ima li još diskusija?

Ako ne prije nego što predemo na glasanje molim gospodina Žigića da pokuša dati odgovore na postavljena pitanja vijećnice Selme Ćatibušić i vijećnika Kapidžića. Ako ne možete dat sad onda ćete naknadno dostavit.

**JUSUF ŽIGIĆ - stručni savjetnik za upravno rješavanje i pravne poslove
– ispred službe za ekonomski razvoj, poduzetništvo i poljoprivredu -**

Opet vas sve pozdravljam. Da vam kažem drugi kandidat je bila direktorica Javne ustanove Zavod za izgradnju Tuzla, a po Zakonu o državnoj službi ona ne može bit član ni jednog upravnog niti nadzornog odbora. Izričito to zabranjuje Zakon o državnoj službi.

Što se tiče drugih pitanja recimo član 266. mislim da je taj Zakon o privrednim društvima inače propisuje da-se, da je mandat nadzornog odbora 4 godine i da se članovi biraju istovremeno. Inače praksa je uvijek da se nadzorni i upravni odbori biraju istovremeno jedino ukoliko neko da otkaz vrši se popuna, jer se mora znat da je njihov mandat taj koji popunjava...(NATAŠA PERIĆ – U redu je. Hvala vam.) Nema na čemu.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem se gospodinu Žigiću. Nadam se da ste zadovoljni sa odgovorima? Prelazimo na glasanje. Predlažem da istovremeno glasamo za tačku a) i b). Znači, Razmatranje...(Slađana Krajina govori bez uključenog mikrofona op.a.) Aha. Dobro. Zahvaljujem se sekretaru na sugestiji.

Konstatujem da je Gradsko vijeće primilo k znanju INFORMACIJU O PROVEDENOM POSTUPKU PO JAVNOM OGLASU ZA IZBOR PREDSJEDNIKA I ČLANOVA UPRAVNOG ODBORA JAVNE USTANOVE TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA.

Sada stavljam znači, pod b) ODLUKU O RAZMATRANJU I USVAJANJU ODLUKE O PONIŠTENJU JAVNOG OGLASA ZA IZBOR I IMENOVANJE PREDSJEDNIKA I ČLANOVA UPRAVNOG ODBORA JAVNE USTANOVE TUZLANSKA RAZVOJNA AGENCIJA „TRAG“ TUZLA – DEVELOPMENT AGENCY „TRAG“ TUZLA, ČIJI JE OSNIVAČ GRAD TUZLA. Molim vas da pristupimo glasanju. Glasanje je okončano.

Konstatujem da je navedena odluka dobila podršku sa,
22 glasa za, nije bilo protiv niti suzdržanih.

Prelazimo na tačku osam:

Malo tišine.

RAZMATRANJE I USVAJANJE POD:

a) ODLUKE O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA (sa tekstom Javnog oglasa). POD

b) ODLUKE O KRITERIJIMA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA. POD

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA I POD

d) ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENO MJESTO ČLANA NADZORNOG ODBORA IZ

REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA.

Predlagач gradonačelnik Grada Tuzle.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanje i klubovi vijećnika.

Da li ima potrebe za uvodno izlaganje predlagачa? (SELMA ČATIBUŠIĆ – Ima.)
Dobro. Molim predlagачa da nam da kratko uvodno izlaganje.

ALMA HALILOVIĆ - pomoćnik gradonačelnika za Službu za ekonomski razvoj, poduzetništvo i poljoprivredu

Poštovani vijećnici, predsjedavajuća, dopredsjedavajući, sekretar sve vas srdačno pozdravljam.

Kada je riječ o razlozima za donošenje ovih odluka osnovni razlog jeste što je jedan član nadzornog odbora iz reda državnog kapitala u „Centralno grijanje“ d.d. Tuzla podnio ostavku, tako da je na Skupštini preduzeća održanoj dana 06. maja ista znači, skupština razriješila navedene dužnosti jednog člana nadzornog odbora. U tom smislu u skladu sa Zakonom o ministarskim i vladinim imenovanjima, u skladu sa Odlukom o postupku izbora i konačnog imenovanja članova organa upravljanja u javnim preduzećima, u javnim komunalnim preduzećima, u javnim ustanovama, ustanovama za predškolski odgoj i zdravstvenim ustanovama čiji je osnivač ili suosnivač Grad Tuzla odlučili smo se znači, da iskoristimo mogućnost da se privremeno imenuje član nadzornog odbora ispred državnog kapitala a do okončanja konkursne procedure za, za imenovanje člana nadzornog odbora.

U tom smislu znači, prva odluka koja se predlaže je Odluka o prijedlogu kandidata za privremeno imenovanje na upražnjeno mjesto člana nadzornog odbora i po ovom znači, po zakonskoj osnovi ovo imenovanje može biti na period od 3 mjeseca najduže od datuma imenovanja kad skupština u stvari imenuje ovog privremenog člana nadzornog odbora.

Istovremeno sa ovom znači, odlukom isto tako predlažemo Odluku o raspisivanju javnog oglasa za izbor i imenovanje člana nadzornog odbora iz reda državnog kapitala u d.d., u „Centralno grijanje“ d.d. Tuzla čiji je osnivač Grad Tuzla a uz ovu znači, odluku prilaže se i ovaj set dokumenata a koje Gradsko vijeće treba da usvoji kako bi se pristupilo objavi javnog oglasa, provođenju procedure i na kraju nakon provedene procedure opet bi naravno u skladu sa utvrđenom procedurom dostavili izvještaj prema Gradskom vijeću.

ĆERIM RASTODER - zamjenik predsjedavajućeg Gradskog vijeća Tuzla, - samostalni vijećnik –

Hvala šefici Službe za ekonomski razvoj, poduzetništvo i poljoprivredu gospođi Almi Halilović.

Da li ima potrebe da se pročita izvještaji Komisija? (SELMA ČATIBUŠIĆ – Ima.)
Molim sekretara da nam pročita sažetak izvještaja Komisija.

SLADANA KRAJINA – sekretar Gradskog vijeća Tuzla

STATUTARNA KOMISIJA SA SJEDNICE ODRŽANE 29. 05. 2024.GODINE

Komisija za statutarna pitanja i propise je razmatrala pod

- a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod
- b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te je usvojila sljedeći

ZAKLJUČAK

Komisija za statutarna pitanja i propise je razmatrala i prihvata pod:

- a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod
- b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te iste upućuje Gradskom vijeću Tuzla na razmatranje i izjašnjavanje.

IZVJEŠTAJ KOMISIJE ZA EKONOMSKE ODNOSIJE SA SJEDNICE ODRŽANE 28. 05. 2024.GODINE

Komisija za ekonomske odnose je razmatrala pod:

- a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod
- b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te usvojila sljedeći:

ZAKLJUČAK

Komisija za ekonomske odnose je razmatrala i prihvata pod:

- a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod
- b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod
- c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te iste upućuje Gradskom vijeću Tuzla na razmatranje i usvajanje.

IZVJEŠTAJ KOMISIJE ZA PODUZETNIŠTVO SA SJEDNICE ODRŽANE 28. 05.

Komisija za poduzetništvo je razmatrala pod:

a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod

b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te je usvojila sljedeći:

ZAKLJUČAK

Komisija za poduzetništvo je razmatrala i prihvata pod:

a) Odluku o raspisivanju Javnog oglasa za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla (sa tekstom javnog oglasa), pod

b) Odluku o kriterijima za izbor i imenovanje člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

c) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

d) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te iste upućuje Gradskom vijeću Grada Tuzla na razmatranje i usvajanje.

IZVJEŠTAJ KOMISIJE ZA IZBOR I IMENOVANJA SA SJEDNICE ODRŽANE 29. 05. 2024.GODINE

Komisija za izbor je razmatrala pod:

a) Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla i

b) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te je usvojila sljedeći:

ZAKLJUČAK

Komisija za izbor i imenovanja je razmatrala i prihvata Rješenje o imenovanju Komisije za izbor člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, pod

b) Odluku o prijedlogu kandidata za privremeno imenovanje na upražnjeno mjesto člana Nadzornog odbora iz reda državnog kapitala u „Centralno grijanje“ dd Tuzla, čiji je osnivač Grad Tuzla, te iste upućuje Gradskom vijeću Tuzla na razmatranje i usvajanje.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem sekretaru na pročitanim izvještajima Komisija.

Otvaram raspravu Klubova vijećnika. Zahvaljujem se.

Zatvaram raspravu Klubova vijećnika.

Otvaram raspravu vijećnika. Hvala.

Zatvaram raspravu vijećnika.

Prelazimo na glasanje. Predlažem da glasamo istovremeno za sve tačke a evo ja ću ih sad pročitati naravno iako ih je sekretar više puta sad čito.

Znači, tačka a) ODLUKA O RASPISIVANJU JAVNOG OGLASA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA (sa tekstom Javnog oglasa). POD

b) ODLUKE O KRITERIJIMA ZA IZBOR I IMENOVANJE ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA. POD

c) RJEŠENJE O IMENOVANJU KOMISIJE ZA IZBOR ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA I POD

d) ODLUKE O PRIJEDLOGU KANDIDATA ZA PRIVREMENO IMENOVANJE NA UPRAŽNJENO MJESTO ČLANA NADZORNOG ODBORA IZ REDA DRŽAVNOG KAPITALA U „CENTRALNO GRIJANJE“ DD TUZLA, ČIJI JE OSNIVAČ GRAD TUZLA. Molim vas da se izjasnite. Glasanje je okončano.

Konstatujem da su pročitane odluke dobile podršku od 22 vijećnika, nije bilo protiv niti suzdržanih.

Prelazimo na tačku devet:

RAZMATRANJE I USVAJANJE POD:

a) Odluke o izboru najpovoljnijeg ponuđača za davanje u zakup poslovne prostorije u Tuzli, ulici Malkočeva br. 4, pod

b) Odluke o davanju saglasnosti na zaključenje ugovora o zakupu poslovne prostorije sa Trgovinskom radnjom “PARIS”, vl. Dizdarević Azra Tuzla i pod

c) Rješenje o izmjeni Rješenja o imenovanju Komisije za provođenje javnog oglasa o davanju u zakup poslovnih zgrada, poslovnih prostorija i garaža.

Predlagач i ove tačke je gradonačelnik Grada Tuzla.

Obrađivač: Služba za ekonomski razvoj, poduzetništvo i poljoprivredu.

Materijal su razmatrali: Komisija za statutarna pitanja i propise, Komisija za ekonomske odnose, Komisija za poduzetništvo, Komisija za izbor i imenovanje i klubovi vijećnika.

Da li ima potrebe za uvodnim izlaganjem? (SELMA ĆATIBUŠIĆ – Ima.)

Molim šeficu Službe za ekonomski razvoj da nam da uvodno izlaganje po tačkama a), b) i c).

**ALMA HALILOVIĆ - pomoćnik gradonačelnika za Službu
za ekonomski razvoj, poduzetništvo i poljoprivredu**

Još jedanput srdačan pozdrav. Ova tačka pod a) odnosi se na provedenu proceduru objave Javnog oglasa za davanje pod zakup poslovnih zgrada...poslovnih prostorija koji su u vlasništvu grada Tuzla ili Grad Tuzla raspolaže s njima. U tom smislu evo ste dobili zapisnik znači, o javnom otvaranju, analizi i izboru najpovoljnijeg ponuđača za izdavanje u zakup poslovnih prostorija. Bilo je...Raspisan je...Oglasom su se davali pod zakup četiri poslovne prostorije, prijavio se samo jedan ponuđač i u tom smislu se evo i donosi ova, odnosno predlaže na usvajanje Odluka o izboru najpovoljnijeg ponuđača za davanje u zakup poslovnih prostorija u Tuzli, ulica Malkočeva broj 4 a sve naravno je li u skladu sa našom Odlukom o davanju u zakup poslovnih zgrada, poslovnih prostorija i garaža.

Segment odluke pod b) se odnosi na obnovu zakupa. Navedeni zakupac je već od ranije znači, u skladu sa Ugovorom o zakupu koristio poslovni prostor ovaj je istekao jel zakupni odnos. U tom smislu je resorna Služna provela aktivnosti koje su neophodne da se donese odluka o produženju zakupa znači, utvrđen je interes zakupca za nastavak zakupnog odnosa, provjereno je, provjerene su obaveze zakupca prema Gradu, pribavljeno je mišljenje Gradskog pravobranilaštva tako da nema prepreka znači, da u skladu sa Odlukom o zakupu poslovnih prostora Gradsko vijeće u skladu sa odlukom donese Odluku o produženje zakupnog odnosa za ovog zakupca.

A odluka pod c) se odnosi na izmjenu Rješenja o imenovanju Komisije za provođenje javnog oglasa o davanju u zakup poslovnih zgrada, poslovnih prostorija i garaža. Naime, Gradsko vijeće je donjelo Rješenje o imenovanju Komisije za provođenje javnog oglasa o davanju u zakup poslovnih zgrada, poslovnih prostorija i garaža u 01. 09. 2023. godine imenovalo je ovu Komisiju imajući u vidu da je jedna uposlenica ove službe koja je imenovana u Komisiju promjenila radno mjesto napustila ovu Službu, te da druga uposlenica nije više uposlenik Grada Tuzla evo nužno je da se izvrši izmjena lica imenovanih u Komisiju kako se i predlaže ovim rješenjem. Et toliko.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik -**

Hvala kolegici Halilović.

Ima li potrebe da se čita-ju izvještaji Komisija? (Nema.) Zahvaljujem.

Prelazimo na raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika. Zahvaljujem.

Zatvaram raspravu vijećnika.

Prelazimo na glasanje. Glasat ćemo istovremeno za sve tri tačke.

Znači, pod a) Odluku o izboru najpovoljnijeg ponuđača za davanje u zakup poslovne prostorije u Tuzli, ulica Malkočeva br. 4, pod

b) Odluke o davanju saglasnosti na zaključenje ugovora o zakupu poslovne prostorije sa Trgovinskom radnjom "PARIS", vl. Dizdarević Azra Tuzla i pod

c) Rješenja o izmjeni Rješenja o imenovanju Komisije za provođenje javnog oglasa o davanju u zakup poslovnih zgrada, poslovnih prostorija i garaža.

Hasibe molim, molim te onaj, priključi se glasanju. Glasanje okončano.

Konstatujem da su navedene dvije odluke i rješenje dobile sagla...prošle sa,

20 glasova za, nije bilo protiv niti je bilo suzdržanih.

Nastavljamo dalje.

Tačka deset:

RAZMATRANJE I USVAJANJE IMOVINSKO-PRAVNIH AKATA POD:

- a) Odluka o prodaji nekretnine u vlasništvu grada Tuzle neposrednom pogodbom i davanju saglasnosti na zaključenje ugovora o prodaji, pod
 b) Odluka o stavljanju van snage Odluke o prenosu prava vlasništva na nekretninama po Prvom javnom konkursu za prenos vlasništva bez naknade na nekretninama u vlasništvu Grada Tuzle licima nastradalih područja u svrhu izgradnje individualnog stambenog objekta broj 01/07-31-7166/2014-28 od 29.12.2014. godine i pod
 c) Odluka o davanju saglasnosti na opterećenje prava građenja zasnovanog u poslovnoj zoni „Kreka Sjever“ u Tuzli na nekretnini u vlasništvu grada Tuzle.

Predlagač i ove tačke je gradonačelnik Grada Tuzle.

Obrađivač: Služba za geodetske i imovinsko – pravne poslove.

Materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline i klubovi vijećnika.

Ima li potrebe za uvodnm izlaganjem? Nema.

Ima li potrebe da se pročitaju izvještaji Komisija? (Nema.) Hvala.

Otvaram raspravu Klubova vijećnika. Zahvaljujem.

Zatvaram raspravu Klubova vijećnika.

Otvaram raspravu vijećnika. Zahvaljujem.

Zatvaram raspravu vijećnika i prelazimo na glasanje.

Znači, pod a) Odluke o prodaji nekretnine u vlasništvu grada Tuzle neposrednom pogodbom i davanju saglasnosti na zaključenje ugovora o prodaji, pod

b) Odluke o stavljanju van snage Odluke o prenosu prava vlasništva na nekretninama po Prvom javnom konkursu za prenos vlasništva bez naknade na nekretninama u vlasništvu Grada Tuzle licima nastradalih područja u svrhu izgradnje individualnog stambenog objekta broj 01/07-31-7166/2014-28 od 29.12.2014. godine, pod

c) Odluku o davanju saglasnosti na opterećenje prava građenja zasnovanog u poslovnoj zoni „Kreka Sjever“ u Tuzli na nekretnini u vlasništvu grada Tuzle. Molimo vas da pristupimo glasanju. Glasanje okončano.

Konstatujem da su navedene odluke dobile podršku od 22 vijećnika, nije bilo protiv niti suzdržanih.

Tačka jedanes Dnevnog reda:

RAZMATRANJE I USVAJANJE IZVJEŠTAJA O RADU I POSLOVANJU JAVNIH I DRUGIH PREDUZEĆA, ČIJI JE OSNIVAČ ILI SUOSNIVAČ GRAD TUZLA ZA 2023. GODINU POD:

- a) Javno preduzeće Gradska veterinarska stanica d.o.o.Tuzla i pod
 b) Javno preduzeće RPC Tuzla - Inkubator „Lipnica” d.o.o. Tuzla.

Predlagač: skupština preduzeća.

Obrađivač: menadžment preduzeća.

Materijal su razmatrali: Komisija za ekonomske odnose, Komisija za poduzetništvo i klubovi vijećnika.

Ima li potrebe za uvodnim izlaganjem? Zahvaljujem. Molim?

Znači prvo će uvodno izlaganje pod tačkom a) Veterinarska stanica molim vas predstavnik preduzeća, odnosno obrađivač vrlo kratko s obzirom da smo mi...

**JASMIN FERIZBEGOVIĆ – direktor Javnog preduzeća
„Veterinarska stanica“ Tuzla**

Poštovana predsjedavajuća, dopredsjedavajući, gospodo Gradski vijećnici ja ću vrlo kratko cijeneći da je naše poslovanje u zadnjih nekoliko godina bilo i te kako opterećeno sa činjenicom da smo kao što sam vam ja rekao na prošlom Vijeću ili pretprošlom da smo mi jedino javno preduzeće kojem su praktično brutalno pravnim nasiljem oduzete javna ovlaštenja i ona su data u mandat i drugim da rade tako da tu poziciju koju smo mi definitivno dobili zakonom mi smo se morali boriti pravnim sredstvima i dobili smo na sudu i ponovo prije nekoliko dana to sam vas već i informisao dobili smo novu dakle, presudu kojom su sva rješenja Kantonalnog i Federalnog ministarstva u cijelosti poništena i mi sad očekujemo da Kantonalno i Federalno ministarstvo postupe po pravosnažnoj presudi.

Kad se tiče poslovanja, to sam pomenuo u uvodnom dijelu samo zbog činjenice da vam kažem u kakvom dakle, smo mi okruženju radili i zbog toga sam smatrao da je to jako bitna reći obzirom na činjenicu da smo i pored takvih ja bih rekao okolnosti uspjeli da završimo poslovnu godinu uspješno. Imali smo pozitivan rezultat. Sve naše obaveze prema dobavljaču, dobavljačima smo u cijelosti izvršili. Prema radnicima takođe.

Mislim da je još jako bitna, bitna, bitna stvar koju moram istaći to je činjenica da je u ovim okolnostima tržišnim nama jako teško poslovati cijeneći da je strašna diskrepanca između Federalnog cjenovnika po kojem mi moramo da radimo i samo mi dakle, kao javno preduzeće drugi apsolutno se tog cjenovnika ne drže a trebali bi i činjenice da su dakle, naše cijene limitirane sa cjenovnikom, a s druge strane više niko ne zna gdje je kraj sa cijenama kad se tiče vakcina, seruma, dijagnostikuma i u pojedinim dakle, situacijama mi imamo da su fakturne cijene između dvije nabavke čak negdje i po 70, 80 i 100% veće. To je ja-ko veliki problem s kojim se suočavamo cijeneći da Bosna i Hercegovina nema niti jednu veledrogeriju farmaceutsku koja se tiče domena veterinarske medicine i mi smo zapravo prisiljeni da sve nabavljamo preko predstavništava to su sve inozemne kompanije.

Ja naravno moram reći i na to sam jako ponosan kad se tiče ovoga stručnog dijela. Mi smo u prošloj godini i evo u ovoj godini sad radimo u punom kapacitetu instalirali CT aparat. Mislim da je to najveći domet u veterinarskoj medicini i jedini smo u Bosni i Hercegovini koji ima tu vrstu dijagnostike i to je nešto o čemu sam ja možda prije nekoliko godina sanjao ali evo na svu sreću i mene a i vas naravno koji ste uvijek podržavali naš taj razvojni put i našu dinamiku to se i ostvarilo. Tako da u to ime ja evo želim još jednom da se zahvalim na podršci a ukoliko ima pitanja vrlo rado ću odgovoriti cijeneći da je predsjedavajući zamolio da budem što kraći.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Zahvaljujem direktoru. Evo s obzirom da će biti diskusija onaj, pa ćemo vidjeti ovaj, u kom smjeru će ići. Uglavnom prije nego što nam kolegica direktorica Inkubator „Lipnice“ iznese uvodno izlaganje ja predlažem da kao i do sada metodološki da sva pitanja koja budu postavljena direktorima ovaj, da nam ne odgovaraju danas nego da u pisanoj formi u roku od mjesec dana nam dostave do naredne sjednice.

Ko je za? Hajde da glasamo.

Dobro. Hvala.

Konstatujem da je navedeni prijedlog prihvaćen sa,
21 glasom za, nije bilo protiv niti suzdržanih.

Uvodno izlaganje direktorica Inkubatora. Kolegica Malkočević.

**AMIRA MALKOČEVIĆ - direktorica Javnog preduzeća
Razvojno poduzetnički centar Tuzla Inkubator „Lipnica“.**

Dobar dan želim sve srdačno da vas pozdravim. Ja sam Amira Malkočević direktorica Javnog preduzeća Razvojno poduzetnički centar Inkubator „Lipnica“. Ovo društvo je dvadesettreću godinu završilo u zoni dobiti. Ovo društvo je sa 31. 12. 2023. ispunilo sve svoje obaveze prema zaposlenicima, prema dobavljačima i većinu svojih potraživanja od kupaca je naplatilo. Ovo društvo je završilo ovu godinu zahvaljujući svesrdnoj pomoći, odnosno podršci Grada Tuzla, odnosno Gradske uprave. U ovom društvu je u 2023. godini prošlo 49 preduzeća od toga trideset i tri su bila razvijena preduzeća, 9 start-ap preduzeća i 7 preduzeća koja su koristila skladišni prostor. Poznato je da start-ap preduzeća su dvije godine podržavana od strane RPC-a i ovaj, Gradske uprave tako da smo mi sa razvojem tih start-ap preduzeća našu misiju i pokazali i dokazali i mi i dalje stojimo ovaj, na raspolaganju svim imaćima ideje i vlasnicima privatnim poduzetnicima koji žele da razvijaju svoj biznis ili svoju ideju u centru i pružamo im svu moguću podršku što se tiče komunalne infrastrukture i svega ostaloga.

Ja evo vama stojim na raspolaganju i možete postaviti pitanja u stvari u pismenom obliku kako ste se dogovorili. Ispred vas su tabele sa prihodima i rashodima ja ne bi ni jednu posebno obrazlagala da vam oduzimam vrijeme danas. Odgovorit ću na sva vaša pitanja koja budu upućena. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se direktorici Malkočević i takođe joj se zahvaljujem na manifestaciji koju je organizovala prije jedno dva mjeseca prilikom obilježavanja dvadesete godišnjice od formiranja ovog udruženja gdje je bio određen broj vijećnika od nas prisutnih u Lipnici.

Da li ima potrebe da se pročitaju izvještaji Komisija? (Nema.) Zahvaljujem.
Otvaram raspravu Klubova vijećnika. Vijećnik Hasanbašić u ime Tuzlanske alternative.

ADMIR HASANBAŠIĆ

Hvala predsjedavajući. KLUB VIJEĆNIKA TUZLANSKE ALTERNATIVE JE RAZMATRAO OVA DVA IZVJEŠTAJA i zaista se može vidjeti da su izvještaji odlično urađeni sa mnogo detalja i faktički sve informacije koje nas zanimaju nalaze se u ova dva izvještaja.

Posebno bih po-hvalio menadžment i jednog i drugog javnog preduzeća na pozitivnom poslovanju iako znamo kakve su ove godine bile i dvijehiljadedvadeset i druga i evo dvadesettreća kada je u pitanju ekonomija i zaista svaka čast menadžmentu prije svega i samom direktoru Javnog preduzeća „Gradska veterinarska stanica“ koji je uspio da podigne zaista nivo veterinarske usluge u našem gradu na veoma, veoma visok nivo i zaista pored velike

konkurencije kada su u pitanju privatne veterinarske stanice ipak „Gradska veterinarska stanica“ je na prvome mjestu.

Što se tiče Javnog preduzeća RPC „Lipnica“ iz izvještaja se jasno vidi ovo pozitivno poslovanje ali je bitno istaći da je ono usljedilo zbog velike uštede. Naime, znatno su se smanjili troškovi u odnosu na 2022. godinu jer glavni dio troškova predstavljaju plate uposlenika zatim nabavka ug-lja za zagrijavanje prostora i amortizacija najma, odnosno tu se misli na zakup koji iznosi 97.000 konvertibilnih maraka koji svake godine treba da se da rudniku, rudniku.

Treba istaći i da je povećan broj start-up preduzeća što i jeste cilj postojanja ovog javnog preduzeća znači, da imamo što veći broj poduzetnika da se pojave u našem centru RPC „Lipnica“ i to je za pohvalu svakako povećanje.

Zahvalio bih se ovom prilikom zaista svim vijećnicima Gradskog vijeća jer smo uvijek bili ti koji su davali podršku i kada je u pitanju Javno preduzeće „Veterinarska stanica“ i kada je bilo u pitanju Javno preduzeće RPC „Lipnica“ znači, uvijek smo prepoznali njihove probleme, uvijek smo davali sve sugestije a i jedno i drugo preduzeće, odnosno menadžment uredno su nam dostavljali odgovore na sva vijećnička pitanja, na sve vijećničke inicijative koje su bile sa strane Gradskog vijeća.

I svakako Klub vijećnika Tuzlanske alternative će podržati oba izvještaja ovih javnih preduzeća. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala kolegi Hasanbašiću.

Zatvaram raspravu Klubova vijećnika.

Otvaram raspravu vijećnika. Vijećnik Bijedić.

ELVIR BIJEDIĆ

Zahvaljujem. Zamjeniče predsjedavajuće ja ću biti veoma kratak. DAKLE, KAD SU U PITANJU JAVNO PREDUZEĆE „GRADSKA VETERINARSKA STANICA“ TUZLA odavno nas već navikla dakle, zajedno sa direktorom i menadžmentom na jedan ovakav izvještaj kao što je sačinjen i ovog puta i sve ono što on sadrži dakle, ja-ko dobro poslovanje i ono što mi je zapalo za oko jest upravo ovo što je direktor Ferizbegović rekao a to je nabavka CT aparata što ja mislim nisam siguran da li je pr-vo ali je sasvim sigurno među pr-vim i zaista to govori o ozbiljnosti i naporima koji menadžmet čini da podigne ovo na još viši nivo.

Čestitke na svemu onome što su izdržali na onom mogu slobodno reći pravnom nasilju koji su imali u prethodnim godinama i na dobijenoj pravnoj bitci uz naravno podršku ovog Gradskog vijeća i dakle, vrlo je jasno dakle, u kakvom, u kakvoj su se situaciji nalazili i u jasno podjeljenim zonama odgovornosti kada je u pitanju kako u javnoj humanoj medicini tako i u javnoj veterinarskoj medicini tačno se znaju koje su ovlasti i ja se iskreno samo nadam da će ovaj, te pravne zakonske regulative i biti ispoštovane. Što se tiče...Da apsolutno još jednom sve čestitke i svakako da ćemo podržati ovaj izvještaj.

Čestitke za INKUBACIJSKI CENTAR „LIPNICA“ na protekloj godini povećanje broja korisnika i naravno da će i u daljem periodu imati punu podršku i Kluba vijećnika SDP-a, a siguran sam i Gradskog vijeća u cjelini. Zahvaljujem.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolega Bijediću.
Zatvaram raspravu vijećnika.

Prelazimo na glasanje pod:

a) Javno preduzeće Gradska veterinarska stanica d.o.o.Tuzla. Glasanje Medina? okončano.

Konstatujem da je prihvaćen Izvještaj Javnog preduzeća Gradske veterinarske stanice d.o.o.Tuzla sa 19 glasova, nije bilo protiv niti suzdržanih.

Prelazimo na glasanje za:

JP RPC Tuzla - Inkubator „Lipnica” d.o.o. Tuzla. Glasanje okončano.

Takođe Izvještaj JP RPC Tuzla - Inkubator „Lipnica” d.o.o. Tuzla je prihvaćen sa 19 glasova, nije bilo protiv niti suzdržanih.

Prelazimo na tačku dvanes:

**RAZMATRANJE I USVAJANJE IZVJEŠTAJA O RADU JAVNIH USTANOVA
ČIJI JE OSNIVAČ ILI SUOSNIVAČ GRAD TUZLA ZA 2023. GODINU**

Raspravljamo o jednoj Ustanovi:

- Javnoj ustanovi Gradski stadion „Tušanj” Tuzla

Predlagač: upravni odbor ustanove.

Obrađivač: direktor ustanove.

Materijal su razmatrali: Komisija za ekonomske odnose, Komisija za poduzetništvo, Komisija za mlade, obrazovanje i sport i klubovi vijećnika.

Ima li potrebe za uvodnim izlaganjem? (Nema.) Zahvaljujem.

Ima li potrebe da se pročitaju izvještaji Komsija? (Nema.) Hvala.

Otvaram raspravu Klubova vijećnika. Ispred SDP vijećnik Tanasilović.

MIODRAG TANASILOVIĆ – vijećnik Socijaldemokratske partije

Zahvaljujem dopredsjedavajući. Evo srdačan pozdrav svima prisutnima. Pa evo prilikom detaljnog razmatranja dakle, ovog Izvještaja o radu i poslovanju JAVNE USTANOVE GRADSKI STADION „TUŠANJ” ZA 2023. GODINU ovaj, mogu samo ovaj, da konstatujem da je izvještaj urađen dakle, u skladu sa, u skladu sa pravilima o izradi ovaj, izvještaja koje grad...ovo Gradsko vijeće je na jednoj od prethodnih sjednica i usvojilo. Što...Ono što treba istaći jeste da je Javna ustanova Gradski stadion „Tušanj” Tuzla ovaj, tokom cijele godine dakle, prošle godine ovaj, poslovala stabilno i u svakom momentu je ustanova bila dakle, likvidna na vrijeme su isplaćivane obaveze prema uposlenima kao i prema dobavljačima. Gledajući finansijski, finansijsku stranu možemo evo vidjeti iz izvještaja da je Ustanova uspjela ostvariti višak prihoda nad rashodima blizu nekih 12.000 konvertibilnih maraka i ono što je potrebno ovaj, napomenuti da u izvještajima nisu ovaj, prikazani u tabeli prihoda i rashoda iz razloga ovaj, što zbog načina vođenja računovodstva za javne ustanove ne smije biti prikazan ovaj, dobit tako da je ovaj višak prihoda nad rashodima prebačen u narednu 2024. godinu. Kada su u pitanju usluge koje pruža Javna ustanova Gradski stadion „Tušanj”

evo ovdje se jasno vidi da je došlo do povećanja prošle godine izvršenih usluga i da smo na stadionu Tušanj imali preko 87.000 korisnika što je više u odnosu na 2022. godinu iz razloga što je krajem 2022. godine započeta rekonstrukcija glavnog nogometnog terena i taj teren je ovaj, završen u martu prošle godine. Tuzla je dakle, dobila najsavremeniji nogometni teren sa hibridnom podlogom što je zaista za svaku pohvalu. Ovaj projekat je finansiran od strane ovaj, nogometnog, Nogometnog saveza Bosne i Hercegovine i naravno Grada Tuzle. Također od svih korisnika evo ja ću izdvojiti ovaj, neke glavne naše korisnike koji ovaj, svakodnevno koriste usluge Javne ustanove Gradski stadion „Tušanj”. To su dakle, sportski klubovi prvenstveno Fudbalski klub „Sloboda“, zatim Fudbalski klub Tuzla City koji su svoje prvenstvene utakmice igrali na glavnom nogometnom terenu, zatim Atletski klub „Sloboda“, naše usluge su koristili osnovne i srednje škole, kao i Fakultet za tjelesni odgoj i sport. Na atletskoj stazi dakle, svoja testiranja redovna vrše i ovaj, pripadnici Ministarstva unutrašnjih poslova, vatrogasne jedinice, sudska policija kao i naši rekreativci koji svakodnevno dolaze na stadion da se rekreiraju. Ustanova je dakle, kao što rekoh poslovala stabilno cijelu godinu i tokom prošle godine je uspjela da prikupi blizu 190.000 konvertibilnih maraka vlastitih prihoda koji se odnose na iznajmljivanje upravo nogometnih terena kako sportskim klubovima tako i rekreativcima koji koriste pomoćne nogometne terene i svaki dan se rekreiraju. Od Budžeta Grada Tuzla smo dobili kroz mjesečne tranše 221.700 konvertibilnih maraka koje su znači, redovno nakon svakog mjeseca opravdane. Potrebno je još istaći da je u toku 2023. godine nabavljen novi sportski LED semafor u iznosu od blizu 80.000 konvertibilnih maraka naravno uz pomoć ovog Gradskog vijeća i Grada Tuzle ta sredstva su odobrena i realizirana je ovaj, nabavka. Također ovaj, evo malo ću se i osvrnuti i na ono što će u ovoj godini evo biti urađeno a to jeste ovaj, da je Grad Tuzla već ovaj, ne znam dal je započeta procedura raspisivanja Tendera za rekonstrukciju dakle, ograde na pomoćnim nogometnim terenima i evo kao što je i malo prije i kolega Omer spomenuo stadion se Tušanj našao u ovim investicionim projektima Grada Tuzle, gdje će se pro...gdje će se probati aplicirati da se odobre sredstva u iznosu od 10 miliona konvertibilnih maraka da bi se izgradila Istočna tribina i još prateći objekti kako bi mogli ostvariti uslove za dobijanje potrebne licence za odigravanje međunarodnih utakmica i to me zaista stvarno raduje i ja se nadam da ćemo uskoro i to da doživimo. I iskoristit ću priliku evo da pozdravim direktora javne ustanove kao i sve uposlene i evo svakako ispred Kluba Socijaldemokratske partije ću podržati ovaj izvještaj. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik -**

Zahvaljujem se kolegi Tanasiloviću. Ispred Kluba Platforme za progres vijećnica Ćatibušić.

SELMA ĆATIBUŠIĆ

Što se tiče nas koji nekako posebno volimo slobodno mogu tako reći i koji odrastamo na Tušnju i odrastali smo i u Mejdanu svakako ove dvije Ustanove su nam slobodno mogu reći od posebnog značaja barem u srcu. Mislim da u budućnosti treba da se pored izgradnje istočne tribine što svakako apsolutno podržavam i radujem se tome ići u putem sanacije i tribine na zapadu jer u jednom momentu očekujemo da nam ona VIP loža nama običnim smrtnicima ovaj, padne na glavu dok gledamo utakmice. Smatram da i tribina na sjeveru definitivno treba nastrešnicu jer teško je posmatrati utakmicu dok drži, svi ljudi drže ispred tebe kišobrane i sl. Podržat ću svakako ovaj izvještaj. Nadam se da će stadion Tušanj barem dok sam još uvijek ovako mlada i vesela ovaj, da doživi svoj puni sjaj i kapacitet ako Bog da da nam se Sloboda

vrti u Premijer ligu pa ne samo da se vrti nego i da...Dobro hajd ovo je malo subjektivno al nema veze nego da i ovaj, osvojimo nešto malo veće. Ja vjerujem u to, nadam se i nadam se da će naša lokalna zajednica da sistemski poradi na svemu tome, tako da idemo putem rekonstrukcije i ovo što je Mišo spomenuo za travu i sve te stvari zaista vidi se promjena mislim da je teren nako jako lijepo izgleda.

Interesuje me:

Imala sam pitanje od jednog građanina da ujutru ne bude otvoren stadion za, za rekreativce sad ne znam, nisam sigurna od koliko sati se ovaj, može ući na stadion da ljudi trče i slično?

Eto to me je jedan sugrađanin pitao pa pošto piše tamo da je otvoreno čini mi se od sedam ako ne griješim. Eto to me interesuje čisto da ne bi došlo do nekog nesporazuma jel ljudi dođu da trče valjda bude zaključano pa se vrte i slično. Eto hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolegici Čatibušić. Ovo pitanje nadam se da će direktor dostaviti u pisanoj formi pa i kolegici.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

- I prelazimo na izjašnjavanje **Izveštaja o radu Javne ustanove Gradski stadion „Tušanj” Tuzla za 2023-ću.** Glasanje okončano.

Konstatujem da je navedeni izvještaj dobio podršku 21 vijećnika, nije bilo protiv niti suzdržanih i naravno uz napomenu da i kolega direktor Javne ustanove Gradski stadion „Tušanj” kao i prethodni dvojica direktora dostave izvještaj na postavljena pitanja iz diskusija.

Prelazimo na tačku trines:

RAZMATRANJE INFORMACIJE O REALIZACIJI INTEGRISANE STRATEGIJE RAZVOJA GRADA TUZLE DO 2026. GODINE – REVIDIRANA STRATEGIJA RAZVOJA GRADA TUZLE 2019. – 2021. GODINE – INFORMATIVNI PERIOD 2023. GODINA

Predlagač: gradonačelnik Grada Tuzla.

Obrađivač: Stručna služba za poslove gradonačelnika.

Materijal su razmatrali: Komisija za ekonomske odnose i klubovi vijećnika.

Ima li potrebe za uvodnim izlaganjem? (Nema.)

Ima li potrebe da se pročitaju izvještaji Komisija? (Nema.) Zahvaljujem.

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika.

Konstatujem da je Gradsko vijeće Tuzla primilo k znanju INFORMACIJU O REALIZACIJI INTEGRISANE STRATEGIJE RAZVOJA GRADA TUZLE DO 2026. GODINE REVIDIRANA STRATEGIJA RAZVOJA GRADA TUZLE 2019. – 2021. GODINE – INFORMATIVNI PERIOD 2023. GODINA.

Prelazimo na tačku četrnes:

RAZMATRANJE INFORMACIJE O UPRAVLJANJU I KORIŠTENJU STAMBENOG FONDA GRADA TUZLE

Predlagač: gradonačelnik Grada Tuzla.

Obrađivač: Služba za boračko-invalidsku zaštitu, stambene poslove i integraciju raseljenih lica.

Materijal su razmatrali: Komisija za stambena pitanja i klubovi vijećnika.

Ima li potrebe za uvodnim izlaganjem? Nema.

Ima li potrebe da se pročitaju izvještaji Komisija? (Nema.)

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećam, vijećnika i konstatujem da je Gradsko vijeće Tuzla primilo k znanju INFORMACIJU O UPRAVLJANJU I KORIŠTENJU STAMBENOG FONDA GRADA TUZLE.

Tačka petnes:

RAZMATRANJE INFORMACIJE O REALIZACIJI ODLUKE O DIMNJAČARSKIM POSLOVIMA ZA 2024. GODINU

Predlagač: gradonačelnik Grada Tuzla.

Obrađivač: JKP "Komunalac" d.o.o Tuzla.

Materijal su razmatrali: Komisija za komunalne poslove i pitanja mjesnih zajednica i klubovi vijećnika.

Da li ima potrebe za uvodnim izlaganjem? (Nema.) Nema.

Ima li potrebe da se pročitaju izvještaji Komisija? (Nema.) Hvala.

Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika.

Zatvaram raspravu vijećnika i konstatujem da je Gradsko vijeće Tuzla primilo k znanju INFORMACIJU O REALIZACIJI ODLUKE O DIMNJAČARSKIM POSLOVIMA ZA 2024. GODINU.

Tačka šesnes:

RAZMATRANJE INFORMACIJE O AKTIVNOSTIMA RADNOG TIMA ZA IZRADU ANALIZE I PLANA AKTIVNOSTI ZA REALIZACIJU IZGRADNJE JAVNE GARAŽE U KOMPLEKSU UNIVERZITETSKO KLINIČKOG CENTRA TUZLA

Predlagač: gradonačelnik Grada Tuzle.

Obrađivač: JKP "Saobraćaj i komunikacije - Tuzla" d.o.o Tuzla.

Materijal su razmatrali: Komisija za ekonomske odnose i klubovi vijećnika.

Ima li potrebe za uvodnim izlaganjem? (Nema.) Hvala.

Ima li potrebe da se pročitaju izvještaji Komisija? (Nema.) Hvala.

Otvaram raspravu Klubova vijećnika. Vijećnik Admir Hasanbašić ispred Tuzlanske alternative. Izvolite gospodine Hasanbašiću.

ADMIR HASANBAŠIĆ

Hvala predsjedavajući. EVO ZAISTA JEDNA LIJEPA INFORMACIJA KOJU NAM JE SPREMILA JAVNO KOMUNALNO PREDUZEĆE „SAOBRAĆAJ I KOMUNIKACIJE“ i oni zaista u posljednje dvije godine fenomenalno rade i sve su pozitivne stvari u našem gradu. Naime, ovaj pomenuti projekat izgradnje javne garaže riješit će dugogodišnji problem saobraćaja u mirovanju na području oko Univerzitetskog kliničkog centra Tuzla te u mnogome poboljšati bezbjedonosnu situaciju kako pješaka tako i vozila zbog trenutne slabo prohodnosti svih saobraćajnica i zauzetosti pješačkih površina oko Univerzitetskog kliničkog centra. Zaista ova informacija je kratka, sažeta ali sve se u njoj znači, sve se može dobiti ono što nas zanima.

Ja bi ovdje predložio samo dva zaključka.

Prvi zaključak jeste: Da se u skladu sa dostavljenom informacijom o aktivnostima radnog tima za izradu analize i plana aktivnosti za realizaciju izgradnje javne garaže u kompleksu UKC Tuzla od strane JKP „Saobraćaj i komunikacije – Tuzla“ Gradsko vijeće Grada Tuzla daje punu podršku menadžmentu JKP „Saobraćaj i komunikacija – Tuzla“ kako u dosadašnjim tako i u budućim aktivnostima u vezi izgradnje javne garaže. To je prijedlog prvog zaključka.

A drugi: Da Gradsko vijeće ovim putem pozdravlja koperativnost i koheziju između JKP „Saobraćaja i komunikacije – Tuzla“, Gradske uprave i UKC-a Tuzla pri rješavanju gorućeg komunalnog problema na području Grada Tuzla. Evo to su dva prijedloga zaključka imam. Eto hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolegi Hasanbašiću. Kolega Vujadinović. Je li hoćete ispred Kluba vijećnika ili...? (ALEKSANDAR VUJADINOVIĆ – Može. Može.) Evo ispred Kluba samostalnih vijećnika. Izvolite.

ALEKSANDAR VUJADINOVIĆ – samostalni vijećnik

Hvala. Evo nemam običaj javit se za diskusiju ponavljat nešto što je već svima jasno ali evo ovdje moram da se repliciram na ovaj prijedlog koji stvarno ono od srca pozdravljam. Iz kojeg razloga? U mislim tri navrata sam bio jedan od članova Komisije za izbor direktora Kliničkog centra dok sam bio zaposlen u UKC i svaki put sam postavio pitanje realizacije garaže i problema parkinga u Kliničkom centru i uvijek je to bilo da je to već sve skoro završeno, evo imamo i projekte, evo samo što nije krenulo sa poslom itd. i nikad se ništa nije riješilo. Ovaj, čitajući ovaj izvještaj vidim da je to formirana jedna znači, Komisija, da je se tu znači, obavljen razgovor, da je to na jednom ovaj, većem nivou i nadam se da će ova inicijativa koja je zaista neophodna za građane i sve one koji trebaju usluge Kliničkog centra biti već jednom riješena na civilizovan način. Hvala lijepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Dobro. Znači, još raspravljamo u ime Klubova vijećnika. Vijećnik Hasan...Vijećnik Mehmedinović. Vi ćete u ime vijećnika? (NATAŠA PERIĆ – Ne-će on hoće Šefik Husić.) Eh ništa. Vijećnik Husić. Ispred Kluba samostalnih vijećnika.

ŠEFIK HUSIĆ

Evo ja bi također da kažem onaj, da ovo treba u svakom slučaju pozdravit. Menadžmet, odnosno direktor Javnog preduzeća „Saobraćaj i komunikacije“ je za pohvalit globalno jer je onaj, uradio jedan veliki dio posla zajedno sa onaj, uposlenicima Gradske uprave koji sačinjavaju jednu radnu grupu onaj, i vr-lo dinamično se radilo znači, na, na, onaj, pribavljanju dokumentacije onaj, za pripremanje samog projekta i evo ono što ja znam znači da je u fazi onaj, planiranja, planiranja raspisivanja znači, projekta. I još jednom znači, da se zahvalim obzirom da sam učestvovala u toj radnoj grupi, da se zahvalim znači, uposlenicima Gradske uprave i direktoru, odnosno menadžmentu Javnog preduzeća „Saobraćaj i komunikacije“ jer su bili ustrajni znači, na ideji i na samoj evo realizaciji tog administrativnog dijela. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolegi Husiću. Nastavljamo znači, u ime Klu...vijećnika SDP kolega Bijedić.

ELVIR BIJEDIĆ

Zahvaljujem. U ime Kluba SDP-a želim da izrazim izuzetno zadovoljstvo dakle, razvojem i dinamikom ovakve jedne ovaj, informacije o aktivnostima Radnog tima za izradu i analizu plana aktivnosti za realizaciju izgradnje javne garaže pogotovo iz razloga što je u više navrata i predsjednik Kluba vijećnika SDP-a Anel Ibeljić imao inicijativu dakle, da ispred Kluba SDP-a da se taj problem parkinga konačno riješi.

Izuzetno snažnu podršku dajemo i apsolutno nadam se kao i svi ostale kolege vijećnici i vijećnice da stojimo na raspolaganju za svaku vrstu pomoći kad je u pitanju ovakva realizacija. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Zahvaljujem se kolega Bijedić.

Zatvaram raspravu Klubova vijećnika.

Otvaram raspravu vijećnika. Vijećnik Ibeljić, a nek se pripremi vijećnik Berbić.

ANEL IBELJIĆ

Hvala. Evo ja ću samo da se kratko nadovežem na diskusiju kolege Elvira koji u cijelosti podržavam. Klub SDP-a je tokom četverogodišnjeg mandata nekoliko puta tražio izgradnju javne garaže u kompleksu UKC-a i naravno na drugim mjestima širom Tuzle što se evo polako i realizuje. U narednom periodu ćemo sigurno dobiti nekoliko kvalitetnih i prijedloga prije svega idejnih i kako ćemo riješiti problem nedostajećeg broja parking mjesta u Tuzli i evo jedan od tih je upravo izgradnja ove javne garaže. Takođe zahvaljujem se i svim onima koji su učestvovali u ovome menadžmentu UKC-a onima koji su najzahvalniji koji su najviše doprinijeli tome da evo sa našim Gradskim preduzećem dođe do realizacije jednog ovakvog velikog infrastrukturnog projekta.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala kolegi Ibeljiću. Berbić vijećnik.

OMER BERBIĆ

Drago mi je da je Grad Tuzla nakon 20 godina shvatio da tu treba garaža i drago mi je da se poklopilo sa jednim vrhunskim mandatom gospodina našeg Nećka a, druga Nećka ovaj, tako da vidi se, zaista se vidi, vidi napredak i dolaskom novog gradonačelnika i što se to poklopilo sa, sa, sa ovim mandatom i drago mi je da je ovaj, da dolazi do realizacije jedne, jedne ovakve ideje i nadam se da se na ovom neće stati. Treba se iskoristiti upravo ta mogućnost koju nam nova arhitektonska rješenja daju tj. da se izgradnjom garaža defakto ne gube niti park prostori, niti dječija igrališta i to sve treba uvažiti kada se budu pravili ta nova idejna rješenja za garaže i nadam se da ćemo biti malo širokogrudniji što se tiče izgradnje garaža u smislu da ćemo iskoristiti pare za skloništa pa napraviti neke multi namjenske prostore i mislim da je to zaista, zaista jedna prava stvar jer je to goru...jedan od gorućih zaista problema zaista problema u gradu Tuzla tako da evo pozdravljam ovu, ovu, ovu vrstu priče i nadam se da ćemo ih imati što više u narednom periodu. Hvala ljepo.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala kolega Berbiću. Vijećnik Vujadinović.

ALEKSANDAR VUJADINOVIĆ

Evo ispred vijećnika moram se zahvaliti i čestitati direktoru Javnog komunalnog preduzeća „Saobraćaj i komunikacije“ na ovoj inicijativi i ljudima koji ga okružuju i ne sa-mo na ovom projektu nego i na drugim projektima. On to zna ja sam njega i nazvao telefonom za neke druge stvari koje sam mu čestitao tako da evo ovako ja-vno stvarno mislim da se slažete svi. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala. Vijećnik Bijedić.

ELVIR BIJEDIĆ

Imam potrebu i ja kao vijećnik dakle, da istaknem izuzetnu dobru saradnju sa direktorom Nedžadom Malikićem i ne kad je u pitanju samo ovaj i ovakve inicijative i kad su u pitanju parkirališta nego i kad je u pitanju javna rasvjeta ovaj, u gradu Tuzla gdje zaista ovaj, na jedan izuzetno dobar način upravlja i tim resursima. Puna podrška i u nastavku mandata. Hvala.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Hvala kolega Bijediću.

Zatvaram raspravu vijećnika.

Evo i u svoje ime i u ime rukovodstva i ja se zahvaljujem ovdje prisutnom direktoru Javnog preduzeća „Saobraćaj i komunikacije“ na svim aktivnostima koje poduzima od kada je imenovan na funkciju direktora a one su mnogobrojne da ih ne nabrajam sad.

Konstatujem da je Gradsko vijeće Tuzla primilo k znanju INFORMACIJU O AKTIVNOSTIMA RADNOG TIMA ZA IZRADU ANALIZE I PLANA AKTIVNOSTI ZA REALIZACIJU IZGRADNJE JAVNE GARAŽE U KOMPLEKSU UNIVERZITETSKO KLINIČKOG CENTRA TUZLA.

Molim vas sekretara da pročita zaključke koje je iznio vijećnik Hasanbašić pa ćemo o njima i glasati.

SLADANA KRAJINA – sekretar Gradskog vijeća Tuzla

1. U skladu sa informacijom Radnog tima za izradu analize i plana aktivnosti za realizaciju izgradnje javne garaže u kompleksu Univerzitetsko kliničkog centra Tuzla dostavljene od strane Javnog komunalnog preduzeća „Saobraćaj i komunikacije - Tuzla“ d.o.o. Tuzla, Gradsko vijeće Tuzla daje punu podršku menadžmentu Javnog komunalnog preduzeća „Saobraćaj i komunikacije - Tuzla“ d.o.o. Tuzla, kako u dosadašnjim tako i u budućim aktivnostima.

2. Gradsko vijeće Tuzla pozdravlja kooperativnost i koheziju Gradske uprave Grada Tuzle, menadžmenta Javnog komunalnog preduzeća „Saobraćaj i komunikacije - Tuzla“ d.o.o. Tuzla i menadžmenta Univerzitetskog kliničkog centra Tuzla pri rješavanju gorućeg komunalnog problema na području grada Tuzle.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Molimo vas da se izjasnimo o pročitanim zaključcima. Glasanje okončano.

Konstatujem da su pročitani zaključci prošli sa 23 glasa za, nije bilo protiv niti suzdržanih.

Prelazimo na tačku sedamnes:

RAZMATRANJE IZVJEŠTAJA KOMISIJE ZA IZBOR I IMENOVANJA

Molim sekretara da pročita prijedloge.

SLADANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Kluba vijećnika Platforme za progres za izmjenu člana mandatno-imunitetske Komisije, te usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje prijedlog Kluba vijećnika Platforme za progres da se:

- Nejra Muharemović Orić razrješi dužnosti člana mandatno-imunitetske Komisije,
- a da se na dužnost člana mandatno-imunitetske Komisije izabere Sanela Čajlaković Kurtalić pa stavite na izjašnjavanje ovaj prijedlog Platforme za progres.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Molimo vas da pristupimo glasanju po navedenom prijedlogu. Glasanje...Ponovit ćemo glasanje. Glasanje okončano.

Konstatujem da navedeni prijedlog nije dobio podršku,
3 vijećnika su bila za, 2 su bila protiv i 15 suzdržanih.

Prelazimo na tačku osamnes. (SLAĐANA KRAJINA – Samo malo ima još jedan prijedlog. Ima još jedan prijedlog.)

Ima izvinjavam se još jedan prijedlog.

SLAĐANA KRAJINA – sekretar Gradskog vijeća Tuzla

Komisija za izbor i imenovanja je razmatrala prijedlog Omera Berbića, vijećnika Naše stranke, za izmjenu članova u Savjetima mjesnih zajednica te je usvojila sljedeći zaključak:

Komisija za izbor i imenovanja je razmotrila, te Gradskom vijeću Tuzla na izjašnjavanje upućuje prijedlog Omera Berbića, vijećnika Naše stranke, da se:

- Tibor Kovačević razrješi dužnosti člana Savjeta Mjesne zajednice Kula,
- a da se na dužnost člana Savjeta Mjesne zajednice Kula izabere Anja Avrić i da se Zineta Altumbabić razrješi dužnosti člana Savjeta Mjesne zajednice Slavinovići,
- a da se na dužnost člana Savjeta Mjesne zajednice Slavinovići izabere Alma Alić.

**ĆERIM RASTODER - zamjenik predsjedavajućeg
Gradskog vijeća Tuzla,
- samostalni vijećnik –**

Molimo vas da pristupimo glasanju. Glasa-nje okončano.

Konstatujemo da je navedeni prijedlog prošao sa,
20 glasova za, nije bilo protiv uz 1 glas suzdržan. Jel nema više? (SLAĐANA KRAJINA – Nema to je to.)

Prelazimo na tačku osamnes:

TEKUĆA PITANJA

Pod a) Obavještenje JKP Komemorativni centar d.o.o. Tuzla o razlozima prolongiranja izrade Izvještaja o radu i poslovanju za 2023. godinu, pod

b) Obavještenje Službe za prostorno uređenje i zaštitu okoline o razlozima prolomigranja izrade Izmjene Regulacionog plana prostorne cjeline “Sjenjak 1” i prostorne cjeline Sjenjak 2“ i pod

c) Obavještenje Javnog preduzeća SKPC Mejdan d.o.o. Tuzla o razlozima prolongiranja izrade Izvještaja o radu i poslovanju za 2023. godinu.

Obrađivači: JKP Komemorativni centar d.o.o. Tuzla (pod a)

Služba za prostorno uređenje i zaštitu okoline (pod b) i pod
c) JP SKPC Mejdan d.o.o. Tuzla.

Da li ima potrebe da se...za uvodno izlaganje? (Nema.) Nema.

Imal potreb...Otvaram raspravu Klubova vijećnika.

Zatvaram raspravu Klubova vijećnika.

Otvaram raspravu vijećnika. Zahvaljujem se.

S obzirom da nije bilo diskusija konstatujem da je Gradsko vijeće Tuzla **primilo k znanju pod:**

**a) Obavještenje JKP Komemorativni centar d.o.o. Tuzla o razlozima
prolongiranja izrade Izvještaja o radu i poslovanju za 2023. godinu, pod**

**b) Obavještenje Službe za prostorno uređenje i zaštitu okoline (NATAŠA PERIĆ
- Malo još tišine molim vas.) o razlozima prolongiranja izrade Izmjene Regulacionog
plana prostorne cjeline "Sjenjak 1" i prostorne cjeline Sjenjak 2", pod**

**c) Obavještenje JP SKPC Mejdan d.o.o. Tuzla o razlozima prolongiranja izrade
Izvještaja o radu i poslovanju za 2023. godinu.**

Konstatujem da je dnevni red iscrpljen zahvaljujem se na saradnji i još jednom podsjećam da je u 27. juna zakazana sjednica na Kolegiju junska a 04. jula julska sjednica. Hvala i vidimo se.

(S obzirom da je Dnevni red iscrpljen i 39. redovna sjednica Gradskog vijeća Tuzla zaključena ista je završena u 15:00 sati.)

STENOGRAM SAČINILI:

Selma Šehić

Jasminka Delalić

P R E D S J E D A V A J U Ć I

Nataša Perić, prof. s.r.